


OOTECH Oochu
TAKEHNIYA TINKLES
ST. MARK



The Gospel According to Mark in the Beaver language of
Canada

OOTECH Oochu Takehniya Tinkles St. Mark
The Gospel According to Mark in the Beaver language of
Canada
L'Evangile selon Marc dans la langue Beaver du Canada

Public Domain

Language: Dane Zaa (Beaver)

Translation by: Rev. A. C. Garrioch

Contributor: The Church Missionary Society

Originally published in 1886 by the British and Foreign Bible Society. This book is now in the PUBLIC DOMAIN.

2024-04-30

PDF generated using Haiola and XeLaTeX on 25 Aug 2024 from source files dated 30 Apr 2024
5f7d1ab3-d1e6-527f-a8da-865af2d2e293

Contents

ST. MARK	1
--------------------	---

OOTECH Oochu TAKEHNIYA TINKLES ST. MARK

Tghachyestla Ehlaiti.

¹ Hatseto mawotich oochu Jesus Christ, Tikeaootli ma chue;

² Takeh nichatinkles akehe koonachatya kehe, Oosooasi sakewotihche nachatyea atghuni oochu naaootle.

³ Hligi otyesta tike kemweh toowe ooli, Atghuni oochu ahasoonesun, aghahati tsiwoeseh kwetooyakehe.

⁴ John tane tukeghingklit kemweh, hatse tane tatilon tunaghakeooskliti ahtilon otlwechi keochehlalon kehe aghametseli oneochetolel asilon.

⁵ Kahchu yinkhadeshalon tike okehe otsi Judaea, kahchu aghatane yateh otsi Jerusalem, kuihe sahke Jordan aghanetye tukukeghinklilon, komet-selihi kooatuoochatih.

⁶ John ghatai manatsunne ghigheze gha eghayulon natun atyatlalon atazi syeh kahchu atazi syeh ihe nanihklulon: oochu yaskesi yu achalinoo yu ayilai yetsetlon;

⁷ Oochu toowe ooli yehtilon, yetsi ootelon, Hligi sooniya sataihchi anati, nakyeklule aghoo atu enasoo machi chunoostyeli mamakeoosut.

⁸ Suni la tu ihe naghakyeihklit: ahwole atai tu ihe naghakyeihlili Atsinde Oochu ihe.

⁹ Oochu gheise wazeluh ayi dzine, Jesus otsidesha Ion Nazareth Galilee otsi, John tuyakeghinklilon Jesus Jordan otsi.

¹⁰ Kwete tu tsi tghatyeza tsiwohzon, wailon yake kwa matahatsataghiolon, yakeotine yetsi natezalon oietli etye:

¹¹ Oochu otech yake otsi atitsuklon, toowela ooli oti ihe, Nila otaihchi nwasti Sachue.

¹² Kwete atsinde achu tike tsi yatehalon kemwehchi.

¹³ Koochi kemwehchi atu tane nuklechi tioketi dzineke kooali, yakaotehun Metseli aghaghatai; kahchu ghatai metseli ihkyateslon; kahchu oochu woei oochu yetsinatilon.

¹⁴ Kootoo John kwechaghinhtyilon tane kwechaghinhtyinti, Jesus yuhchidesha Galilee, koohootyeh otech oochu Nagha Tgha makaoonadzutti otsi,

¹⁵ Kahchu toowela ooli, Tyeneti Nagha Tgha kyeyi: naghametselihi kyechahli, oochu otech oochu aha kootahti.

¹⁶ Ihtyeron tu chok Galilee tghamweh klontyesha, yailon Simon yu Andrew yu mekye yu tyemil tavesklu tu chok: atai tane taesklu tane eli.

¹⁷ Oochu Jesus toowela ooli yehti, Sakyetahtyel, kooch hanahooslihi oochu hluge kehchi enahooslihi tane niyutooleli chon otsi.

¹⁸ Kwete taghatyemile echaghanelon kikyehyeshalon.

¹⁹ Oochu oontsutli tontyo tyesha, yaih James Zebedee machue, kahchu John mekye, atilon tachin ela ehkye atyi tyemil keyatinklulon.

²⁰ Kwete tyechi yehtilon: kwa taghata echughanelilon tachin ela ehkye atyi Zebedee oochu keotihche yu, oochu kikyetyesklit.

²¹ Oochu kochi ghatyestyetl Capernaum; kahchu kwete taneghaotatyech kwa kwiya menejitti dzineneh tane chehotyeh.

²² Oneghanintyellon yaotihche: kooatinti yaotatiheh otech oochu tatihi natsuti kehchi ayihoo mawoochuli, atu adeskles tane kehchi.

²³ Oohchu iehti kweh atiih hligi teze ta kwa taneghaotatyech yaghati metseli ayiih; kahchu ootyestalon,

²⁴ Toowe ooli, Atu aghaitaniah; atu ooli nagha assitli iyo aoohti, nuni Jesus Nazareth otsi? Yuhchitiyala aghayaonila? Atanasti nelesi Nagha Tgha Maatsinde Oochu ooih.

²⁵ Jesus toowela ooli yehti, yachioote, Atu oonatih yehti, setseghatiyah yetsun tsi.

²⁶ Kootoo aghaghatai tsunale too yayaghinchil, oohtye ootyestalo, yetsi hadesha.

²⁷ Aghanetye ooghatesta, aghanetye chu koohtaghoati, tiyeohtye, yetike aloontye? ye tane tsi oochatihi koonte? Aha kootesti otech oochu gha saghatai mayis atu natset.

²⁸ Koochchu oonthe atyeh meghoyuh yito kwa Galilee.

²⁹ Ayite otsi, ghaghatestyelton taneghaotatyechi kwa otsi, kweghaghintyefl Simon yu Andrew yu kwa, James chu John chu.

³⁰ Simon tsiyue ma tyelasaty teskoone ayila, oohchu koohoohati.

³¹ Yechidesha yila inchut, kahchu tahyatinti; kwete ayi teskoone ayila yecheli, ayi oota yakeotihch.

³² Hatse kahkachi, naghioo, kiya nanila yatitine, yaghi chu mazichi yaghatai metselihi.

³³ Kahchu atghe ehlaaiti tane natihti tyechiklaghatati tusklahti.

³⁴ Kahchu atghazi tatihi akooyilalon ayeeah natlone yehtanintyelon, kooyaghatai metselihi natlon oonteslalon; kahchu atu ketselihoo wahti iyao-ohti, achi atayatilon ayiwoooh ayehti.

³⁵ Kahchu hatlindo, setsehto tsitike satalon, hadesha, kahchu koondehalon aghasuchalechi, kahchu iehti yachutatyeheh.

³⁶ Kahchu Simon yehkyatehchi kikyehtestyetlton.

³⁷ Kikihtitsi, toowela ooli kiyehtilon, Atghe tane ninkhaghanatgha.

³⁸ Towehchu yehti, Tane natehtsi otsidooshai kooche oohoostihi oochu, kootatooshigha lasasta aoontye.

³⁹ Kahchu tane tsiwoghintalon taneghaotatyech kwa kwe Galilee, kahchu atsinde metseli ghayatehalon.

⁴⁰ Kahchu machitatestyel tane tsusachi yaghoone yatsi nioonunisit, kahchu machi nachustachaklih, kahchu toowela ooli yehtilon Kooch koodinti ate oochu asaghoonlehassi.

⁴¹ Kahchu Jesus, atyetastihtoo madzye tatilon nati gha tiesunni ihe, yetsi tahtatitichlon, kahchu yakatehtich lon, kahchu toowela ooli yehtilon, Kooch koosti; kwakoola oochu anatyeh.

⁴² Tsiwohzon otatyech otye, susuchi yetselilon, kahchu oochu oohtyelon.

⁴³ Kahchu yatatilon tsiwohzon itintiah, kahchu oochu tyehalon;

⁴⁴ Kahchu toowela ooli yehtilon, Atu kahchu ooli ataoonti niwotine: kahchu achutiya, nazi yueh taneghaotatyech metihi, kahchu khaniah naoochu oohtyi ihe yaghi Moses za kyehechi, ata kiyutuhi.

⁴⁵ Kahchu hadesha, oohtye awonetye khootawootyelon, kahchu tike okehe khootawotyelon, kwa hlilon Jesus atu tanetghakweya tyetachatlihi kwa iyu meheaoohtye, ahwole kemwehchi tike alilon, kahchu kiyinkhatestyetlton ewonetye tsi.

¹ Kahchu kwiyalon Capernaum tahke dzine oolitatatich wazilate; kahchu kooachatilon ayiti nito kwa oota ko-ochati ihe mewoyu.

² Kwete natlone tyechi ghlaghatilon, kwa hlilon taghadesmanlon atulitah ookuzze ooli ghinton kye, kwa hlilon tusla aghoo ooghata taghadesman ghinton kye; kahchu sa yatatilon.

³ Kahchu kiyinkhatestyetyl yatilonooch yatitih ihe, tyentane kooyahtyel.

⁴ Kahchu atu ugha otsighatatyel iyua aontye ootaneghutl kye, nighatilon anetiye ootaneghutl kye alinti; kootoo ghaghatagheoo yatilone, kitaghintsut takeusty tyela satyechti.

⁵ Kootoo Jesus wai aha oochati, toowela ooli yehtilon ayi yatilone, Sechue, nametselihi naonchatuleli.

⁶ Ahwole tahkine ayiti tyechi adesklesne, kahchu koodzye otsi indighatishalon,

⁷ Yeogha ti teze atu oochu ateotype? mea metsehhi ka oontoolelassi kootahtye Nagha Tgha zon?

⁸ Kwete Jesus ataotio yaghatei intidesakehe, toowela ooli yehtilon, Yehoo oohyte naghadzye ihe intidaa aontye?

⁹ Tyeyi meotena achatooti kehe yatilone, Nametselihi naonchatoolel; kooolehe, Tsitike sinta, nusty neodiah?

¹⁰ Atawahtihi iyu aontye hligi teze Machue natsutti ayehi chode tike kakametselihi naghaoonotooleli, (toowela ooli yehtilon yatilone,)

¹¹ Toowela nesiih, Niiya, nustye nioodiah, nakwa otsidiya.

¹² Kwa kwete niiya, usty nioodoo, kahchu hadesha aitye yai; kwa hlilon atge yaoli, kiyaooli Nagha Tgha, toowela ghatyeh, Atu haoontyedi oohweytyi tahooli.

¹³ Kahchu tu chok meootyesha; atghe aghanetye machichatyeha, kwa yaotatich.

¹⁴ Intyizon ghayalu, yailon Levi Alphaeus ma chue sata sooniya mechetilichti, toowela ooli yehtilon, Sakyetiya. Kahchu niiya yekehatesha.

¹⁵ Hesai wazeluh Jesus yakwa kwesata atsitsoo, natlone tanechowhoine chu metseline chu Jesus yakahteysi yaotatichne chu: oohchu ghinton, kooketestyetyl chu.

¹⁶ Kootoo hatseto adesklesne chu Phariseene chu kiyaihi inka aghatsitsoo tanechowhoine chu metseline chu, toowela ooli yehtilon yaotatichne, Yehoo yakaatsits aontye yakah chu tuaton tane chowhoine chu metseline chu?

¹⁷ Kootoo Jesus ootitsahoo, toowela ooli yehti, Yaghine oochu oontyene atu kiyinkhasootati yutane, yatitihizon: atu yuhchideya tyechi kooyusine tyeswe yaghitane, ahwole ayi atu tyeswe yaghitane chodeh kyetsahanooolehe koometselihi ooghathuali.

¹⁸ Kahchu yaotatichne John chu Phariseene chu ooneaghatatihya toonkye: kahchu yuhchihatestyetyl toowela ooli, yehogha yaotatichne John chu Phariseene chu ooneatatehya aontye, ahwole nuni maghotintichne atu ooneatatehya?

¹⁹ Kahchu Jesus toowela ooli yehti, Maskyege la kwa nichiyehi kooyehkyatechi ooneatatelela la? kooyehkyatechton atu ooneatatehya iyu aontye.

²⁰ Ahwole kwa kwete khoonahwozetasi, kootoo mka tuchainklitne kwiya kwa oochayihate, kahchu ayi dzine ooneatatyellassi.

²¹ Atu chu ooli koonde ale ooli tsatse ihe kyechatoohkatassi, yaikoole koonde ihe kechaghinghati kwa hlilon hleooyu awotiassi.

²² Kahchu atuline tata ahklitassi chiche tu koonde satsoone tontyeto otsi: atu chu chiche tu ooli tsatse tataoohklit ootookyezasi, kahchu natesklitchiche tu, kahchu mataootsayih oontookyezasi: ahwole chiche tu koonde ooli ta koonde chuhklitassi.

²³ Kahchu otles tghah niya achuniyehti Menejitti Dzine; kahchu yaotichne makye ghatelhu atghe inchaghakinesla otles.

²⁴ Kahchu Phariseene toowehchu vehti, Nye, yehoo koohghaghati aontye Menejitti Dzine atu tu dzine kooh ghatsati iyu aontye?

²⁵ Kahchu toowela ooli yehti, Atu makyeh ootahtyech tah oolila David aontli kootoo intaklinto kahchu tapatoo, atane chu ayi vehkyatichiche chu?

²⁶ Kwiye sikooh Nagha Tgha kwa, intyizon Abiathar taneghaotatyechi metihi chok acha, kahchu kiyatsetslon otles oochu atuline yetsitslon gha yai zon taneghaotatyech, kahchu yayigholon ayi yehkyatichiche.

²⁷ Kahchu toowela ooli yehti, Menejitti Dzine achilalon tane gha, kahchu atu chu tane Menejitti Dzine gha:

²⁸ Ayigho teze Chue ghakaoodzut Menejitti Dzine.

3

Tghachyestla Taiti.

¹ Kahchu tyetachatlihi kwa kwiya: ayiti teze natyelon mila taneskyelon.

² Kahchu kiyunailon, ooka ooli asityeh kha Menejitti Dzine nai; kitalih iyu aontye.

³ Kahchu toowela ooli yehti ayi teze mila taneskye, Hatelon atichi nazutooh.

⁴ Tooweh chu yehti, Oochu la oochu keochouahch Menejitti Dzine, ketse-liooh keochouahch? tane ghaghatai gha kasoochatooti gha koole? Ahwole atu ooghati.

⁵ Kahchu anetye klokanatghalon madzyehatsutooh, kyeeocheklah ihe tane dzye natsutti, tooweh chu yehti teze, Tahtatinti. Ooh kahchu tahtatin-tieh: oochu mila natsaghinhatalon achune kehchi.

⁶ Kahchu Phariseene achughatestyelon, kwete hla nighohanintalon yai chu Herodianuk, tihakehe soo ookitoohtelu.

⁷ Ahwole Jesus achutyezha yaghotine chu tu chok tsi: Kahchu tane natlone Galilee otsi yu Judaea otsi yu yekehtestyetl.

⁸ Kahchu Jerusalem otsi, kahchu Idumaea otsi, kahchu o-one otehchi otsi Jordan, kahchu aghatane ahthaze Tyre yu Sidon yu, ghintlone ke, ooghatitsuk chi ayi oochu keoahchi, kiyinkhadesha.

⁹ Kahchu yaotatichne tatilon, ela ckok natsutli ootagha iiti wotheooha kooghohtyi tane natlone ke kha ati makechichiticha.

¹⁰ Atane natlone yaghihti ihe; kwa hlilon yinkghanotyetsuts yakatutihikha, anetye ayi tatihi akooyahine.

¹¹ Tane yaghatai mindicheli kahchu kiyainchi ate, kyechinachustaklih, kahchu ghatyetzul toowe la ooli kiyehi ihe. Nuni Nagha Tgha Chue nelaontye.

¹² Kooh oochu atu soohchiwoti atu atachutihikha.

¹³ Kahchu khis ehkyeghiyalon, kahchu ayizon ayuti tyechi yehti: yachidesha.

¹⁴ Kahchu keneti onketi matgha kliniyanila, yekyeootichigha, kahchu achutehalon udzih oohootigha.

¹⁵ Kahchu ayulhi gha natsutti, kahchu atsinde metselihi hayatuhi gha:

¹⁶ Kahchu Simon yindizi yakechioosun Peterlon;

¹⁷ Kahchu James Zebedee machue, kahchu John, James mekye; kahchu nindizi yakechioosun Boanerges, ayi nahthunni uskyege chatyeh:

¹⁸ Kahchu Andrew, kahchu Philip, kahchu Bartholomew, kahchu Matthew, kahchu Thomas, kahchu James Alphaeus machue, kahchu Thaddaeus, kahchu Simon ayi Canaanite,

¹⁹ Kahchu Judas Iscariot, mazi atahootalon: kahchu nito kwa kwichaghintyatl.

²⁰ Kahchu natlone natsughanestlalon, ehtye kwa hlilon atu otles atsitslon natlonke.

²¹ Kootoo meootinoo ootitsukoo, achughatestyatl kiyuhchutigha: aghatune kooghatyeh, Tinditaodesooissi.

²² Kahchu adesklesne yuhchighatestyatl Jerusalem otsi ghati, Ayehi Beelzebub, kahchu yaghatai metselihi iiti otsi hayateha.

²³ Kahchu koohchu yinkhawoti, kahchu too we yehti, tyecha otsi aghaghatai metselihi hatsatoohyatl oontye ayi aghaghatai metselihi?

²⁴ Kahchu hlahti tane natehti intsake yawoinklit ate, ayiti tike ii oowotoehassi.

²⁵ Kahchu ayi nito kwa yaoghinkliti ate, ayi nito kwa oowotoehassi.

²⁶ Kahchu aghaghatai metselihi ataniiya ate, kahchu tezi yanile ate, atu oowotoehassi.

²⁷ Atuline kweyali iyua aontye teze natsutti kwa, yenatunne yatatulelu, hatse tahyaghesklu teze natsutti; atezon ya kwa yaghonile iyu aontye.

²⁸ Kwa hli anaghaisilon, Atghe metselihi kooya oochatoolelassi tane uskyege, kahchu soocha oochatihi:

²⁹ Ahwole ayi ketselioo atii Menejitti Oochu atu ihlaotateoo ayehi kha, ahwole seghaai ayehi nioonizutti oonchatalihi:

³⁰ Ayighoo ayehti, Ayehi aghaghatai metselihi.

³¹ Kahchu mekye chu ma chu iiti otsighatestyatl, kahchu tsehtsi nazutooh, kilati, kiyinkhaooti.

³² Kahchu tane natlone yaka tghanatihtsi, tooweh chu kiyehi, Nea, noo chu nehtghizinne chu tsehtsi naghatehya ninkhaghanata.

³³ Kahchu ateyatetla, toowehchu yehti, Mea anne eli, setghezinne koole?

³⁴ Kahchu khlonkanatgha ayi yaka khlontyetsi, kahchu toowela yehti, Ahi anne chu sehtghezoon chu!

³⁵ Atunne zon kooh ghawoteassi ayi Nagha Tgha indi, ayi akye chu, ustye chu, unne chu.

4

Tghachyestla tinti.

¹ Kahchu tyigha tane ootatech tu chok tghamweh: kahchu natlone yinkhadesha, kahchu tachin ela ehkyiia, kahchu tu chok tih ali; kahchu atghe tane natlone tike wohzon.

² Kahchu yachioteh ooli natlon yughotyeh, kahchu toowe ehti otsiootih, i,

³ Oochu atahtsuk; Oochu hadesha otles alihi tane anihyihi niyilihi gha:

⁴ Kahchu intyizon achunihyehti, tahkine yainkhyi tinkuzze, kahchu chua etye yaghatehtyatl.

⁵ Kahchu tahke nooghinklit tsyetgha, atu oonchadi tike ooliite; kahchu kwete ghanaghiyu, atu tike tatghoe:

⁶ Ahwole chelon sa niniya, maziche ninikhklitlon; aha oona maghaye toontooyi, ayi ihe taihtsutii.

⁷ Kahchu tahke nooghinklit ghoos chine chok tgha, kahchu ghoos chine chok ghanaghiyu, kahchu klightanitetUon, kahchu atuli machiche oolilon.

⁸ Kahchu achu nooghinklitlon tike oochu ti, kahchu machiche ooghilyelon ghanaghiyu yu kahchu tainyecho; kahchu yahlonihyu tahke taoketyi tahke chu edzetaiti ketyi, tahke chu keoneti ketyi.

⁹ Koohchu yehti, Yaghi matsaghe ooli, inkai ootootsuke yehti.

¹⁰ Kootoo chlatyo ayi yehkatyelichi yaghi chu keneti onketi matgha tawotya yehti kawotzutne gha.

¹¹ Kalichu toewela ooli yehti, Naghunni aghaoochuneoh aontye ata-wohtihiglia tyewotye hai koosti Nagha Tgha kyeyi: ahwole ayine tseitsi natihne, atghe ooli keowaahch yehe achatih:

¹² Wai oochui, kahchu atu hlyenahotih gha; kahchu ooghatitsukooh ooghatootsukassi lon, kahchu atu klaghatootsukassilon; koohchu oolita ghooghanetyela, koometselihi kooya oone oochatulel akhe.

¹³ Kahchu toowela ooli yehti, Tiyeghakehe atawahtiha ooli kehe yaghaghahtai kehe? koohchu yeghateh atawahtiha atghe otech?

¹⁴ Oonehyene oonehyoh sa.

¹⁵ Kahchu aghatane tinkuzze tatihne sa chunihyehti; ahwole kootoo ooghatitsukassi kooh ghaghatai metseli kwoto otsidesha, kahchu yazake yuhniyatoooh yadzye ta otsi.

¹⁶ Kahchu aghatane chunihye ine tsye tgha; kootoo sa ooghatitsuk, kwete neoootoooh soochanetye;

¹⁷ Kahchu atu ghai ighutaklilon aghatane hahte, kwa tiotsi zon ghaghat-alon, ootlwe kootoo sookhaootaya kootoo hlachatatane niwoya sa tachi kwete chahte intighatesah.

¹⁸ Kahchu aghatane ayi yachunihyene ghoos chok chine tgha; ayi sa ooghatitsuh,

¹⁹ Kooh tidi tike indi, kahchu mihe atsunnetahe yu mihe tatintlon yu, kahchu machachintye achu ooli kwenachaghila otcho ooli sa, kahchu atu machiche ooli.

²⁰ Kahchu ayi mehoochunihyehe tike oochute; ayi ootitsukne sa, kahchu niooatioone, kahchu machiche ooli, tahke taoketyi enetyi, tahke chu edzetaitiketyi, tahke chu keonetiketyi.

²¹ Kahchu toowela yehti, Nachila takooche nichualli ghotwetghulle yue take usty koole? koohchu atu nichiooite takoochechine?

²² Agha atuli nachunehi atu mewotuti; kahchu atuli tanetcha maghuchata iyu aontye, ahwole atachuteassi.

²³ Koole matsaghe oolyetane inkai ootootsukassi.

²⁴ Kahchu toowela ooli yehti, Tyeke ayi ootahtsukki: ayi ihe tikeghaklyeli, ayieh nagha tsi tiketsalelassi: kahchu naghai ootaghahtsukki, ootehchi nahachuallassi.

²⁵ Yaghi ayehi, machuallassi: kahchu yaghi atu ayehi, mehwayachutallassi koole ayi ayehi.

²⁶ Kahchu toowela ooli yehti, Koohia ootype oontye Nagha Tgha kyeyi, hletye teze oochunehyehti oodihyitl keoontye;

²⁷ Kahchu satyi, kahchu niiya hatleke chu dzine chu, kahchu achunehyehti ghanaghihu, atu ataoti noontye sikooh.

²⁸ Ghoo yaghi tike atai hahte otsi ghanaghihu; hatse kloke eli, kahchu hachaghinaghiyu, kahchu otlweh ootles.

²⁹ Kahchu yaghi chiche ghanaghihuta, kwete atataz, khoo chotazze dzine eli.

³⁰ Towehchu yehtilon, Tyechi otsi gha Nagha Tgha kehchi niwowotal aontye manatake? koole hletyi indi nighaootal aontye?

³¹ Hleontye oochuniliyehti ehlatye yutanikluchi machiche, kwa nichalesta oonahyehe tike, eyi zon natsutli anetye oochu ihyehe tike tih:

³² Kwa aochelesta, oochu nichulesta ayi zon otehchi yaincha anetye nichulihchassi, kahchu matatse natlon; kahchu ayiti chua yayue sacha iyue tehtsi.

³³ Kahchu ayi etye akyehchi oochatihi ihe ehyataton, ghanawesittih oohasohtsoo gha.

³⁴ Ahwole atu ya-i-ti-tyes ate atu yachiwotyehlon: kahchu sahta aghatinta, yaotatichne atghe yataton.

³⁵ Kahchu ayi dzinee, kakhachi aocha, toowehchu yehti, Onka nataghokye taityechi.

³⁶ Kahchu yite kitehalon tane natlone, nighatila aontye sikooh. Kahchu kooyeh testyetlon tachin ela ihe.

³⁷ Kahchu intsi chok niya, kahchu tuyune nachalon tachin ela kooyeghe tiketlalon, kwa hlilon tadesmanooh.

³⁸ Ahwole atai haiseuhi, satyi tsiatakyeh: kahchu tsikiyaniha, toowehchu kiyehi Metihi, atu aghaititawoala tghataozitassi?

³⁹ Kahchu niya, kahchu intsi tsiwoti, toowehchu yehti tu chok, Tyeke tahtsi. Kahchu intsi atyehzut, kahchu ohtye tyesghutl.

⁴⁰ Kahchu toowela ooli yehti, Yehoogha onenatyetl aontye? yehoogha atu a kootahti aontye?

⁴¹ Kahchu ohtye onighanintyetyl, kahchu toowela klaghatati, Ye teze alontye koole intsi ateate chu tu chok yuzehtso?

5

Tghachyestia hlahcheti.

¹ KAHCHU nighatiooh taityechi chisinchi tu chok, kootike tsi Gadarene matike.

² Kwa kootoo tasaya ela ehkye otsi, kwete yatititiesha ehlatye teze natine kwa otsi ayehi yaghatai atu mayis natsutooh,

³ Makwa ooli natine tgha; kahchu atuline yatahnatsut iyu aontye ihe ayii ihe atu tah taghatsakluh iyu aontye, atu satsoone klule aghoo ihe taghachakluhassi:

⁴ Tewotye oontlon tahtsughesklu mihe klule ihe kahchu satsoone klule ihe, kahchu satsoone klule yatayaghechil, kahchu makye chine klule oochu yatayaghechil: kahchu atuline oochu ayilih iyuntyeh.

⁵ Kahchu inkaa hatleketahwoyu dzinetahwoyu, ali khis tah, natine tgha woyu, otyesta, kahchu atakhai tatazo tsye ihe.

⁶ Ahwole tontye tsi ghotsi Jesus ya-i, otsitehtla yatsi nachustaklyeh,

⁷ Kahchu ohtye otyesta, kahchu toowela ooli yehti, Tyeka kehe na-kye-os-tyi-cha, Jesus, nuni otehchi ooli yatehchi Nagha Tgha chue neli? Natsinioonunisit Nagha Tgha tsi, atu nidisawositi.

⁸ Atai toowela yehtie, Sachighatiya teze zi tsi, nuni atu neyis natsutti aghaghintai.

⁹ Kahchu tawotya yehti nindizi tyeoolya yehtilon? Kahchu toowela yehti, Legion, oohzi: nitlon ihe.

¹⁰ Kahchu yatsinioonunisit atu achu tsutoohigha ayiti tike otsi.

¹¹ Kahchu ieti alii hwaza khis tah koohkoos natlon eghihta.

¹² Kahchu atghe aghaghatai metselihi yatsinioonunisit, toowehchu yehti, ghotsiaghataiha koohkoos natyehti, koohkoos zi toontyelikha.

¹³ Kahchu kwete Jesus ghatyeh yasehla. Kahchu naghaghatai atu mayis natsutti ghaghatestyetl, kahchu koohkoos zi tintyetyl: kahchu koohkoos ohtye kyehodihsut ichulti tu chok tghamweh, (oolitah onkye keoneti keoneti;) kootoo chu etye tukooghiwolon.

¹⁴ Yaghaine koohkoos zaaliine taghatestyetl kooghohwati nito kwa atyih kahchu ayiti tike. Kahchu otsighatestyetl ayi ye keochaahch aontye.

¹⁵ Kahchu Jesus kiyunintyetyl, kahchu kiya-i ayi tane atsinde metselihi ayehi, kahchu kootoo ayehii ligiona, sata, kahchu natunne tasata, kahchu tyeswe indi ahi: kooh onighanintyetyl.

¹⁶ Kahchu yaghine oohwa-i ine kitati oontye sikooh ayi tane atsinde metselihi ayehi, kahchu koohkoos ihe.

¹⁷ Kahchu tyikichi nioghaghananintyetyl achutooyigha kootike otsi.

¹⁸ Kootoo tachin ela ehkyiia, yaghi ayehii tane atsinde metselihi yachinioonunisit yehtootyeli gha.

¹⁹ Atu ghate yasehla Jesus, ahwole toowela ooli yehti, Ootinta niootinoo khadiya, oochu kootinti ooli Ghakaoozutti nakeoahchi, kahchu noohchuya.

²⁰ Kahchu achutyeha, kahchu khoootaootyeh Decapolis yechatgheze Jesus oochu nanakeochaahch: koohchu aitye tane khaooghali.

²¹ Kootoo Jesus natyeski tachin ela ihe taityechi, natlone tane yachtestyetyl: kahchu hwa tuchok alii.

²² Nea koohzon ehlaite yinkhatyeha kakaoozutti tyetachatlihi kwa, Jairus ooyi; kootoo ya-ichi, nakye kuchi naitsut,

²³ Kahchu ohtye koonoo yachinioonunisit, toowehchu yehti, Setue tyele satyi koola tehtsutooh: nachinioonunisit, samakataootihi, naghaootai gha; koohzon hanalaite ootesi.

²⁴ Kahchu Jesus yehkatich, kahchu natlone tane yakehtestyetyl, kahchu kikyeeohsut.

²⁵ Kahchu ehlaite tsege, yaghi keneti onketi matgha yaskehe matulle natatyehizon,

²⁶ Kahchu natlone ooli yakeoohchi natlon yutane, kahchu yaghatestla ayi oontyei, atuli akehe naghiteyo oontye, atatihe tati,

²⁷ Kootoo Jesus otsi ootitsukoo nooja otsi keistla otsi yatsityeha ootaneghutl ihe, kahchu yakestue katehtich.

²⁸ Atune toowela ehctie, Manatunne zon aghoo katyestich ate, oochu awostyeassi.

²⁹ Kahchu kwete otsi tul natatyehi sagoon; kahchu atyetastyiht mazi tsi nachagihta avi tatihi tsi.

³⁰ Kahchu Jesus kwete ataotihoo mehnatsutsutti mazi tsi hatsatooh, natunesha tanetiche, kahchu ehti, Mea ali senatunne katehtichlon?

³¹ Kahchu yaotatiche toowela yehti, Natlone tane ghii tanighatlu, kooh tinti, Mea sekahtichtich?

³² Kahchu klokanatgha yui gha ayi ooli keoachine.

³³ Kahchu tsege ooniya kahchu ghati ihe, ataootioo ooli maachahi matsun tsihi, yuhchi yachi yuenenitooh, kahchu yatati aitye hlunchati.

³⁴ Kahchu toowela ooli yehti, Ghutue aha koodinti nanaghinta-iih; taichi tyege inditiah, kechutintih natatihe ihe.

³⁵ Intyizon kwaka ootatyichoo, yachidesha ma kwa otsi yaghi yakaoozutti tyetachatlihi kwa tahkine atine, Netue tehtsut: Yehoo gha mehchintahcha otehchi Metihi?

³⁶ Kwete Jesus sa ootitsukoo, toowela yehti ayi kakaozutti tane tyetachatlihi kwa, Atu ooniooya, aha koodinti zon.

³⁷ Kahchu atuline hateh gha sehla oolino yekehtooyi, Peter zon, kahchu James, John chu mekye James.

³⁸ Kahchu khooniyalon kakaozutti kwa, kahchu wa-i oontlon tsi oochataahoo, yaghi chu atsukki kahchu ohtye atsukki.

³⁹ Kootoo kwiya toowela ooli yehti, Yehoo gha oontlonchi ootahah aoon-tye, kahchu ahtsu-ko-oyu? ataze atu tehtsut, ahwole satyih.

⁴⁰ Hatyeh oontlonchi kiyuhaghatakluch. Ahwole ehtyezson aitye hayateha, otsighadesha yatgha chu you chu ata, kahchu ayi yehkyatechii, koohchu kwinnaghacha ata tyelasatyinti.

⁴¹ Yila inchutlon ata, kahchu toowela yehtilon, Talitha cumi; ayi chati, Ata, niyya, nesii.

⁴² Kahchu kwete ata niyya, kahchu ghayahl; atai keneti onketi matgha mayaskehe. Ohtye o-ochi khaoghailon aghawochule kehe.

⁴³ Ohtye atuline tataoonti; kahchu atya kehe oolita ooli machuhchut.

6

Tghachyestla edzetaiti.

¹ KAHCHU ieti otsi achudesha, kahchu yuhchidesha ghochati matike; yaotatichine chu yekehdesha.

² Kahchu Menejitti Dzine khoonioonizutooh tye tyetachatlihi kwa taneghaotatyech natlone kootitsakooh khawoalli, ghatih Tyecha otsi niyafilonnye? Kahchu ye o-ochi mehoochayu tidi machioo, koole yaghi oochu ekyeotatichi ayilai tila ihe?

³ Atu ayila tachin atali, Mary chue mekye James, Joses chu, Juda dm, Simon chu? kahchu mehtghezze chode mekyechatich? Kalichu atu oochu yatsiintighadesa.

⁴ Kahchu Jesus toowela yehti, Tane chi otine tune atu mooh oontue iyu aoonnye mehe meachatachai, atunezon tatike hwa yule iyu aoonnye, kahchu atai hahte menachine, kahchu atai hahte ghochatih makwa.

⁵ Kahchu ayiti atu kooye keoahchlon mehmaxochuli kewotiche, tahkine ghatyeh katehtichlon yatitine, kahchu nayaghihtalon.

⁶ Kahchu kawolilon atu aha yutieh. Ahwole atghe tane tanenatih akehe klodeshalon, taneghaotatyech.

⁷ Kahchu keneti onketi matgha tyechi yehti, eonetye tsi yeteha onkyetataty; kahchu yehnatsutti yayila yatanatsutti naghaghatai metselihi;

⁸ Kahchu aychti atuli yatoolai kyatehchu, tghes zon; atu etsunzis, atu chu otles tyes ali, atu chu sooniya kooghele tasulla:

⁹ Hoontyegho kyetilhi ahoo zon tatyeyz; kahchu atu onketi kestue taooya.

¹⁰ Kahchu toowela yehti, oolitalah nito kwa kwighaachatetah, ayiti ahli achutahaz ti otsi.

¹¹ Kahchu atu ninaghatile ati, naghatitsukki ata chu, aisai iiti otsi achutaach ate, naghakye waghat otles ihe kooyeh ooghahtichi. Kwa hli anaghaisii, Otehchi aghatane Sodom yu Gomorrha yu oochu awohtyesi ohtye tane tsiochatih dzine intyizon ayi tike.

¹² Kahchu achughatestyetyl, kahchu tane taghatih ketselihi ooghachatutii gha,

¹³ Kahchu natlon metselihi ghaghateha, kahchu kles ihe yakiyehkluk yatitiine, kahchu nayaghinta;

¹⁴ Kahchu metihi tyiyi Herod otitsuk mewoyu; (atgheze tike okehe midizi khoochatihe;) kahchu toowe ehti, John matukeghinkliti atai tustye otsi niya, kahchu ayiwo mehe ohtye keochatichi eotatya aontye.

¹⁵ Achune ghati, Elias atai, kahchu achune ghati atane tai atahwotine, ehlatine eontye atane tai atahwotine.

¹⁶ Ootitsukchi Herod, toowe ehti, John ayi matsi hlihyitl ii: tsitike nesta tustyi otsi.

¹⁷ Atai Herod ghochati ochiyateha, John chu niyatinti, kahchu tane kwechayihiti tayaghesklu Herodias ihe, mekye Philip tsiyue ihe: atai inkah hlakootsila.

¹⁸ Atai John ayehtii Herod, Atu wotezi nai awohi nekye tsiyue.

¹⁹ Ayeoo Herodias tike ochehtune yesoohail akhai; ahwole atu hawootli iyu maaontye:

²⁰ Atai Herod John enejitieh, atayetioo tyeswe ghata, kahchu maghata oochu tane elieh teze, kahchu yama intityesha; kahchu yatitsukchi oontlon kehe keoachlon, kahchu kyenawolesilon ayiteh otitsuk ate.

²¹ Kootoo sookah nitsutooh dzinee khonioonizutooh Herod niyi dzinee khonioonizutooh hatleke eghohtai gha oola tametih gha, simakunnis metihi tyiyi chu, kahchu haladi kha kakaoozuni Galilee;

²² Kooh kootoo Herodias matue kwiya tahtitla, kahchu yakeneli Herod chu, ayi yakasatli chu, metihi tyiyi toowe ehti ayi atyedi, Soodinkyet ooli sachinioonunisitassi, atuli necho matuhsesi.

²³ Kwete oochu ayehti, Atghaze ooli assyesi oochu gho soodinkyet ate, tghatichi ooli assi naslelasi.

²⁴ Kahchu hadesha totsii anna. Ye ooduskyet aontye totsii ehtilon? Tsiyua so toowe ehti, John matukeghinkliti tsi.

²⁵ Iteteh kwete metihi tyiyi tsidesha, kahchu atakyet, kooh koosti atezon sahoalli tsa ihkye John matukeghinkliti tsi.

²⁶ Kahchu ohtye metihi tyiyi atu kenelilon; hoontye ooli oochu ati ihe, kahchu aghatane ihe kookasata, atu yaza ootihyul.

²⁷ Kwete chu metihi tyiyi ootsideha teze, kahchu matsi naghahal yehtilon: kahchu otsidesha tane kwechayehti yetsi hlihyitl.

²⁸ Kahchu yetsi nanioo tsakye, kahchu atyedi ghioo: ooh ayi atyedi to ghioo.

²⁹ Kootoo yaotatichne oghatitsuk chi, yachihatestyetl kahchu yazeche nighatihtyi, kahchu natine kwati naghanihtyi.

³⁰ Kahchu wochichatehane aghanetye intataghati Jesus aliiti otsihat-estyetl, atghazi kitatati ooli, keooaachii, kahchu ooli tanegha ootatyechine.

³¹ Kahchu toowehchu yehti, Tyetahtyel naghai tyinta oolite yaghi kemwehchi, kahchu oontsutli natahyih: kootoo natlon yuhchighatestyetl kahchu yiteghatestyetl, atulita ahwosits kuzza ooli.

³² Kahchu naonai ela tu chok ehkyeatachi ehkyeghaghityetl.

³³ Kahchu tane kooya-ih achughatestyetlooh, kahchu natlone atakooyehti, kahchu tane natihti otsi atghe otsi ooghatehsut nito kwa otyiyi aghoo anetye oogha-i, kahchu tane tse nighanintyeh, aghanetye kiyunintyeh.

³⁴ Kahchu Jesus hadesha natlone tane gha-ih, ohtye matsun tatihti kyehe indityesa, uspai etyieh uspai ghaghatane tane atu ayehti: kahchu tye yaghotatich natlon ooli.

³⁵ Kootoo ayi dzinelon kwakoole tontyeto kloeh ooli, yaotatichne yachitestyetl, toowe yehtilon eh, Kemwehchi oolilon chodeh, kahchu kwa oonchadeh dzine kloeh ooli:

³⁶ Achuyadeha tike okehe otsighatatyel, kahchu nito kwa ootlonchi, kahchu ataheghatutlihi gha otles tyes: atuli ghatsitsi aghahi ihe.

³⁷ Ateyatetlalon hoole toowehchu yehti ihe, Naghanilon kiyioohai kooyanahli. Kahchu toowe kiyehi, Yaghe otsi tawotyeli ataghawohtai ila sooniya onkye keoneti ketyi sachunai ehtye otles tyes, yaghine ghaoohchuti?

³⁸ Toowela ooli nayetilon, Taitya otles tyes ahiwo? oonkawahya. Kahchu ataghawatchi, toowela ghati, Hlahcheti, hluge chu onketi.

³⁹ Kooh yehtilon eonetye tsi tahtsi kloke tanepeds tgha.

⁴⁰ Kahchu ghatye gheskyih inchake, keoneti ketyi tatehtsi inchinatatyel, taghane chu hlahcheti ketyi inchinatatyel tatehtsi.

⁴¹ Kahchu hlahcheti otles tyes niyatila hluge onketi chu, kohtike ookahtgha yatsi kahchu merci yehti, kahchu otles tyes yataghiyits, kahchu yaotatichne ghila yaniyulel gha; hluge onketi chu anetye tghaestich.

⁴² Aghanetye eghaghintalon, oochu tataghanastolon.

⁴³ Kahchu keneti onketi matgha kloke asklu ghaisis tadesmanoo mechaghintai ihe, hluge ihe chu.

⁴⁴ Kahchu yeghaghintaiine otles tyes oolith hlahcheti keoneti keoneti ketyi sihlon enetyi sihlon tezoo.

⁴⁵ Jeti tye kwete anetye ihe yutilon yaotatichne tachin elahkyeootyeli kha, kahchu taityechi otsighatuteligha haladih Bethsaida, achutehaton tane.

⁴⁶ Kahchu kootoo achuteha, atai chu yitaityesha khis tsi yaootootyech.

⁴⁷ Kahkachi aoocha tsi, tachin ela tatiche tsi tu chok taghaliloo, atane nunkuchi sahti ali.

⁴⁸ Kahchu yai ohtye keotichoo atowazu; intsita oolieh: oolith hatlindo aoocha soo tane wohnyalon, tu chok khai niyalon, kahchu yaooeassilon.

⁴⁹ Kiyainchi tu khai niya, kooh kooghati tane atsinde ali lontye kiyutih, kahchu ohtye oonighaniftyetlon:

⁵⁰ Aghanetye kiyai, kahchu atu oochu indighatyesalon. Kwete inchi ooghatatyech, kahchu toowela yehti, Ohtye soonahyte: suni asli aontye; atu ooneghahtyel.

⁵¹ Kahchu inkhadesha elahkye atine; kahchu intsi adezut: kahchu ohtye khawoghali, kahchu o-ochi khawoghali.

⁵² Atu ayi indi ghati ihe ayi o-ochi keochaachi kehchi otles tyes: aghatane koodzye natsuttieh.

⁵³ Kootoo naghateskyi tsi, koonaghaghintyetyl tike Gennesaret, kahchu tghaghityetl.

⁵⁴ Tghaghityetyl tsi ela ehkye tsi, kwete atakiyeti,

⁵⁵ Kahchu kyeton ghatich aonetye ieti otusinkha, kahchu kyekyeyehtich ayi tyelisatyii fatihi, ali iteh oohatitsukooh.

⁵⁶ Kahchu kwiyah assitih nito kwa chisinch, nito kwa otyiyi koole, tike koole, nikiyityih ayi yatitine atghunni tiche koole, kahchu kichin-iooghanunisit kikatutihi gha ghatye makestue maihe aghoo kiyuhchuti gha; yuhchutassihne anetye yaghalon.

7

Tghachyestla taiuohi.

¹ KAHCHU anetye machichatyesha Phariseene, tahkine adeskesne chu, ha Jerusalem tsi ghatilhne.

² Kootoo kiyainchi tahkine yaotatichne aghatsitsoo otlestyes atu ka tila tyeghinyekoo, ayi tsati, kila aghoo atu tyetsaghintyek, tahkine atu tyeswe kooghatilon.

³ Aghatane Phariseene, Jewne chu atghe, oontlon chi taghila tyenaghatchoo zon aontye, atu aghatsits athli, kooghatghoonoo yaootyi hatseto koola otechhi meetiootyeha.

⁴ Kahchu naghatchi ataghe tsi, atu natsun nootootihul ate, atu awoontsitsassi. Kahchu ooli natlon ooli nikitilaine o-otghooni, tsa nootoochatuhul kahchu mihe tu tsato chu, tanihkluchi satsoone tataoochayihi takehchestai chu.

⁵ Kahchu Phariseene chu yatiklesne chu, Taotya kiyehi, Yehoo gha ma-wointichne atu nakyehchi indi gha tyes aontye tane haladi otichne tane, ahwole otles tyes eghaghinta atu tahila tyeghaghintyekoo?

⁶ Ateyatetla, kahchu toowe yehti, Oochu naghai nasetyilon Esaias naghani oontlon nahtahoo, takehnichatinkles akehe, Ayi tane oochu assaghataa za ih, ooh koodzye tontye saoh.

⁷ Ghatye ahwole kooyootastech tanegha ooghatatyechoo tane mihe chioochatihi.

⁸ Tyinta saoo Nagha Tgha otiche, ooahtghoon tane yaghita kehe, nootghochadehulli mehtutsato tsa chu: kahchu ooli natlon ayi etye keoghaach.

⁹ Kahchu toowe yehti, Oochu Nagha Tgha zake kyanaghali, maghahtai yu aontye nagh aonti.

¹⁰ Atane Moses koehtii, Ohtye natgha chu noo chu tao-oncha; kooh hatyehlon ooline tatgha tsi to yu ketseliooh otih ate, chazuhelassi:

¹¹ Ahwole naghai atahti aontye hoontyeoo ooli tatgha koole to koole, Corban ayi, ayi tsati, kachiahi, yaghi ooli nakeostich iyu aontye; kaoontutti.

¹² Kahchu atu otechhi machi nioonunahsit ooli yaaootli tatgha koole to koole;

¹³ Naghai hahte tsioone Nagha Tgha zake awahtla atuli kyewoti nagh aonti ihe, kanaoohi: kahchu ayi etye natlon ooli keoaahch.

¹⁴ Kootoo chu aitye tane kawoti tsi, toowola yehti, Anahtye soozahntsoo naghani kahchu atahtsuk:

¹⁵ Atuli ayi tane matsun khitsi tatyetzut ayi mazi ti achi chahtayuleassi: ahwole yetsi hayatehai ayi ali tane chahte ayihihchi.

¹⁶ Ooline matsakhe oolitane iiti ootootsukissi, inkai ootootsuk.

¹⁷ Kootoo tane oochu tyeha nito kwa, kwenaghacha yaotatichne taontya yehtilon hleoontye akyehchi oochatihi.

¹⁸ Kahchu toowe yehti, Kooka naghatsi toontooe aontye? Atu kyanahiti-hela, ahtghazai ooli tsehtsi otsi kwetsutti tane, atu chahte ayili eyontye;

¹⁹ Atu madzye tsi ihe ahakooyeh, ahwole mapat tsi, kahchu hatsat oochu sookah nininkyieh aitye etsun?

²⁰ Kahchu toowe ehti, ayi tane tsun tsi hadehtsutti, ayila tsahte ayihih-choonte tane.

²¹ Koodzye ta otsi tane, ine tsi tatyestek ootype indi metselihi, soochachai chu, nakhochityeli chu, tlahchazaghai chu,

²² Atsunne achuneih chu, machachintyi chu, inditselihi chu, ochachiti chu, naona-i indyetselihi chu, atai metselihi chu, atacho chunehliti chu, achachatachai chu, tsaoochayaghi chu.

²³ Anetye ooli metselihi kwetsut tane tsun tsi, ahwole tane tsahte ayila.

²⁴ Ayiti otsi niya, kahchu tghanatyeha Tyre yu Sidon yu, kahchu nito kwa ootnaghacha, kahchu koonoo atuline atawo-oti kootilon: ahwole atu nana-i iyu aontyelon.

²⁵ Ehlahti tsege matue ooli ayehii atsinde metselihi, ootitsuklon, kahchu yuhchideshalon kahchu makye keh nadsutlon:

²⁶ Yaghi tsege Greek tane, Syrophenician ine tsi ihe otsi tazelh; kahchu yachinioonunisit hayatoohai gha atsinde metselihi matue zi ta otsi.

²⁷ Ahwole Jesus toowe yehti, Inkai hatse tsito tatanooto; atu oochu tsito taghaotlese kooyehwawachutalli, koohchu kli tsi tsatulihi.

²⁸ Kahchu ateyatetla kahchu toowela yehti, Ehye, aghaghintaihi: hoontye ooli takyeh yechihtati yue natunahtyeli kli tghaootsi.

²⁹ Kahchu toowe yehti, Tidi sa ihe oodinta; atsinde metselihi natue tsun tsi hadesha.

³⁰ Kooh niya tsi takwa, yihtyi atsinde metselihi hadesha tsi, koohchu matue takyeh usty kech tyelasaty.

³¹ Kooh kahchu yitaiyehsa Tyre yu Sidon yu otsi, otsidesha tu chok tsi Galilee, taghaniya Decapolis.

³² Kahchu kiyananioo hligi majih oontooeu, atu chu oochu ootaticho; kahchu yachinioonunisit kooya katootihi gha.

³³ Kootoo otsi yatehti tane natlonti, kahchu yaji ta katihlich, kahchu ghizek, yetsoode chu katehtich;

³⁴ Kahchu yatsi ookahta, otyesta, kahchu toowe yehti, Ephphatha, ayi, Tahaootsitti.

³⁵ Itetyeh kwete maji ta hatachil, kahchu matsode klule tihatuk, kahchu oochu otatich acha.

³⁶ Oochu atuline atawoti yehtilon: ahwole otaihchi atuline satsih atawoti, otaihchi ohtye kooootyeh;

³⁷ Kahchu o-ochi kao-oli toowe yehtie, Atghaze ooli tsiwohzon keoachlon: oochu majioontoowene anayitla oochu ootootsuki gha, kahchu saintakline oochu ootootyechi gha.

8

Tghachyestla edzentyenti.

¹ AYI dzine tane o-ochi natlone, kahchu atuli aghahi kiyutsitsi, Jesus yaotatichne tyechi yehti, kahchu toowe yehti,

² Satyaghisunni tane natlone, kooh kwa taiti dzinee sihaghahtyih, atuli chu aghahi ghatsitsi ooli.

³ Achu kootyehaitye tagha kwa tsi yaghatipatooh, woianh oohatootsitassi, natlone tontye tsi otsighatelyu.

⁴ Kahchu yaotatichne atetyataih, Tyechi otsi gha tayanooto tine tane otlestyes ihe chode kemweh?

⁵ Kahchu Taiya otles tyes ahi yehtilon? kahchu toowe ghati, Taiuchi.

⁶ Tane tsi tsiwohzon tahtsi tike wozon: ayi ninayatila taiuchi otles tyes, kahchu merci ehti, kahchu yataghiyits, kahchu yaotatichne ghila oochu yaniyuleli; kwa kiyaniyila ine tane gha.

⁷ Kahchu akiehyii tahke hluge yaintsutle: kahchu merci ehtilon, kooh ehtii ine gha nichuleli.

⁸ Kahchu eghaghintalon oochu tataghanastolon: kahchu nachatanatyel neghatila mechacheliih, taiuchi kloke ghaisis tghatatyeshanooh.

⁹ Kahchu ine eghaghinta, oolita tiko keoneti keoneti ketyi enetyi silon: kahchu achudehalon.

¹⁰ Kwete ela kyiya yaotatichne chu, kahchu yuhchidesha chisinchi Dalmanutha.

¹¹ Kahchu Phariseene yuhchihatestyetla, kwete kichi sooghatayehch, kiyinkhanata yakachi otsi ehtoole taontya kiyehiti.

¹² Kahchu ohtye hoontatachehlon matsinde otsi, toowe ehtie, Yehoo gha ine chi hlioolate kiyinkhanata ehtoole, kwa hli anaghaisii, atuli ehtoole naghachualassi tine maghestyekne.

¹³ Kahchu yechudesa, kwete elahkyiya taityechi otsi kahchu yitaityesha.

¹⁴ Mawotintichne iine kiyutoonaghatihlon otlestyes kitoolai, kahchu atuli aghahii elahkye ehlaiti zon otehchi otles tyes aghahilon.

¹⁵ Kahchu yechiwoteh. Tyeke khaghahta mehotles chihutli Phariseene, kahchu mehotles chihutli Herod natunne.

¹⁶ Kahchu inchioohwatatyech, kooh atuli otles tyes assii ihe.

¹⁷ Jesus atawotihchi, toowe ehti, Yehoo gha inchiootahtyech aontye atu otles tyes ahi? atu ka atawahtihala, atahtsuk koole? kooka naghadzye natatsutooh sahoohwaoontye?

¹⁸ Naghatai chu ooli, atu ookanahtghaala? naghaji chu ooli, atu atahtsuk-ila? atu chu kyejetahtila?

¹⁹ Kooya tseghila tsi hlahcheti otles tyes hlahcho ootatyee keoneti keoneti ketyi enetyi, tanetyi kloke ghaisis tadesmanooh nachatanatyetl nita la? Toowe yehti, Keneti onketi matgha.

²⁰ Kahchu taiuchi aline kootghasitich tikoooh keoneti keoneti ketyi enetyi, tanetyi kloke ghaisis tadesmanooh nitalala nachatanatyetli? Toowe yehti, Taiuchi.

²¹ Toowehchu yehti, Yehoo gha atu atahtsak aontye?

²² Kahchu yuhchityesha Bethsaida tsi; kahchu kiyananihtyi teze mataituehi, kahchu kichiniooghanunisit yakatutihi.

²³ Kwa yila inchut ayi teze mataituehi, kahchu nito kwa tsi achuyetehti; kahchu yatai keghizek tsi, kahchu yakahtehtichoo, taoontya yehti ooli ghiila.

²⁴ Kwa yachi tahyatii, kahchu ehti, Tane ghussi tachin etotyeni.

²⁵ Kahchu yatai katehtich, kahchu yitige ookanahta yehti: kootoo oochu oontyei, kahchu aitye tane oochu ya-iine.

²⁶ Kahchu yakwa tsi yeteha, toowe yehti ihe, Atu otsitaooya nito kwa, atuline chu tataoonti nito kwa.

²⁷ Jesus hadesha, yaotatiche chu nito kwa tsi Caesarea Philippi; ot-sighatelu, Taootya yaotatiche tsi ehilton kooh yehtiihe, Mea ali saghatya tane?

²⁸ Kahchu toowela ghati, John tanetukeghinkliti tane ali: ahwole tahkine Elias ghati; kahchu achune atanetaihchi atawotine tane.

²⁹ Kahchu toowe yehti, Ahwole mea ne ahlaaontye? Kahchu Peter atey-atetla kahchu toowela yehti, Nuni ayi Christ.

³⁰ Kwa yatati atuli tsi hohohoontye atuneoo.

³¹ Kahchu tyi yaotatich, teze chue atghazi ooli kawotoohunne, kahchu yenaooli hoola ale, taneghaotatichi metihi chok yu, adesklesne chu, kahchu tsazughelyu, taiti dzinee kaohtzut ate kahchu tsitike naootezi.

³² Kahchu ehtii ayi zake tanenichi. Kahchu Peter nayanaun, kahchu tyi chuhootatyech.

³³ Ahwole natanyesha tsi yaotatiche chu kanehtgha, Peter chuatatichlon, toowe ehti ihe, Satuchi otsidiya nuni atsinde metselihi: atu indi natih Nagha Tgha tsi tatyeesuttih, yaghi zon ooli tane tsi tatyeesuttih.

³⁴ Kootoo tane tsi tyechi ehti yaotatiche chu toowe yehti, Ooline sakehtayeh ati, inkai oochit atu tuti ninayatoooli matsookhatayaghi, kahchu nakehtuyesi.

³⁵ Ayih sye nayaghoohtalon kyehghata kehe, tghayatualassi; ayi tayades-oootai kyehghata kehe suni tsi kahchu otich oochu chu, ayi nayahoohtzi.

³⁶ Yechiha yatsi ewoyuesiha tane, tike okehe ootanatsut ateoo, tatsinde tghayaghatyeshai ate?

³⁷ Ooli sitah tyesooite taghatai tah?

³⁸ Ooline siooyale tane zake chu chode soochaghachatai chu kyidyetseli chu tanegha; ayilon atane tane chue yaooyaooli, kootoo yuhchininiye ate kochi soochunetyi Matgha keotichne oochune chu.

9

Tghachyestla kalaketi.

¹ KAHCHU toowe yehti, Kwa hli anaghaisii tahkine chode natehyane atu koozetse nio-olyezi, naooghatyitsi ooli ate Nagha Tgha kyeyi khoonao-ozit ate mehnatsutsutti yu.

² Edzetaiti dzine kloe Jesus Peter chu, James chu, John chu hlyekeghatechlon, kwa hlilon otsighatyeshas khis tsi ohtye nataghisatti sahte ooghatyi: kahchu yakaitghaityeh achu meotati.

³ Kahchu makestue mesaniti takulli kye yas etye; atuline chode tike hahtye takulli awolene ooli.

⁴ Kahchu klohnaaghityetl Elias chu Moses chu: kahchu inchiooghatatyech Jesus chu.

⁵ Kahchu Peter otyesta, toowehchu yehti Jesus tsi, Metihi, chode itli gha oochu: inkai taodatyedi kwa aootlihi; ehlaiti nuni gha, ehlaiti Moses gha, ehlaiti Elias gha.

⁶ Atu ti kehe atu ataotih ihe; ohtye oonighanintyetyl ihe.

⁷ Koos inchi ghililon: kahchu sa ooghatitsuklon yatsi, toowe otieh, Tai la se Chue menusli: Soozehtso.

⁸ Intyizon, aonetye ookaghanehtha, atuline otehchi kiya-i, Jesus zon kooyehkatech.

⁹ Khis chi chyesta ghatestyetlyu, yanaootatich atuline tataeonti ooli ohwehtyi, teze Chue niya ate zon mazetse otsi.

¹⁰ Ayi zake kaghaghatalon, ayi yea tane zetse achatya oontye toon ghlaghatati.

¹¹ Kahchu yehoo gha kiyehiti, ateskesne yehoo gha koohatya oontya Elias hatse naoojezi?

¹² Kahchu ateyatetlalon, yatatio yu, Kwa hli Elias hatse niya, atghe chu ooli sookah nioonila; kahchu takehnicatinkles akehe teze Chue ihe, natlon ooli kaootoohanu, kahchu menachule.

¹³ Ahwole suni anaghaisii aontye, Elias kwa hli nooja, akooghati sikooh kooyechatitihch, takehnicatinkles akehe atanewoh.

¹⁴ Kahchu yaotatichne wohniya tsi, tane natlone yehkyatich chu yailon, adeskesne chu, taoontya tookooyetilon.

¹⁵ Kwete atghe kiya-ichi, atghe kaooghalilon, kahchu kichiodehsut yilagh-inchutlon.

¹⁶ Kahchu adeskesne tsi, Taoontya nayeti?

¹⁷ Ehlaiti chu tane natlodi otsi ateyatetla toowechu yehti, Metihi nananihtyi sachue ayehi atsinde saititakli;

¹⁸ Kahchu oolita yihchut assiti koohoontye yayaghinchil: maza tsi oohwoos ooli chu, maghoo natazutsun chu, toontyiyazighai chu: kahchu taoontya kooyesi mawotintichne ghakitoohai gha; kwa hli kooyandatla.

¹⁹ Ateyatetlalon ahwole toowe ehti ihe, Naghai naghaje toontooe assine, taisia tsi otsi naghai aostya aontye, taisia tsi otsia naghatagha ooslya aontye? Sananaha.

²⁰ Kahchu kiyananiooh: ya-inchi kwete atsinde kooghoontye yayaghinchil; kahchu tike nadsut, kahchu yatatatyech maza tsi wochoos hailyi.

²¹ Taoontya yatgha tsi ehti taisa toh otsi kooh hoontyontya? Toowe yehti tsito ali toh otsi kooh hoontye.

²² Oontlon chu tsichataintyi tyenayehtyech ahoo yu, chahteayuliassi: ahwole oolita aotunatlhlon ate, ahoochunaya, kahchu ahachinootyeh.

²³ Jesus toowe yehti, Aha koodinti ate, atghazi ooli nakeotoonezi ayi aha kooti.

²⁴ Kahchu kwete ayi tsito tatgha tsi otyesta, toowehchu ehti manatu ooli, Naghaghintai, kwa hwe a koosti; oochinootyeh atu a koodestih.

²⁵ Jesus wa-ichi tane yuhchiinhlaghatelyu, atsinde metselihi tsighotye, toowe yehtie, Nuni naza oontooehi najih oontooe ahoo yu atsinde nali, ohtye anesii, yuhchihadiya matsun tsi, atu chu mazi kahchu taooya.

²⁶ Kahchu atsinde otyesta, kwete chu yayaghinchil, kahchu yatsun tsi ghotyeha: kahchu tane zetse etyelon; ayiwola natlone, Tehtsut ghatya aontye.

²⁷ Ahwole Jesus yila inchut, kahchu tahyatihtyih; kahchu tsitike nesta.

²⁸ Kootoo kooyachi nito kwa, yaotatichne sahti wahtila yehtilon, Yehoo gha naghai atu nanitun oontye?

²⁹ Kahchu toowe yehti, Haoontyedi atu ghatyeh ooli ihe ghachatayach, neaghasuchuli zon atu atsutsits ihe chu.

³⁰ Ieti otsi achughatestyetl, Galilee chu kyechoghatestyetl; koohchu kootilon atuline atawo-otihi.

³¹ Atai yaotatich ihe yaotatichne, toowehchu yehti, Teze Chue tsatagh-insut tane tgha, kahchu kizoohelessi; kahchu tsazehai ate, kahchu tsitike nawataizi taiti dzinee.

³² Ahwole atu ooghatitsukoo ayi zake, kahchu taoontya kiyutekhai ooiianh kyeghanejit.

³³ Kahchu yuhchidesha Capernaum: nito kwa oota ati otye taoontya yehtilon, Yea khama ootahtyechii atghunni otichi?

³⁴ Aghoo atu yachutyehlon: aghatai hahte atghunni otichi hoonchati inchi sooghatatyechlon, mea otehchi chatinchai kha.

³⁵ Kachu nesta, keneti onketi matgha tyechi yehti, kahchu toowe yehti, Ooline haladi tooshai ate, ayi zon hli haistlachi ayuhezi, kahchu tane gha aonetye gha keo-otechassi.

³⁶ Kahchu tsito niyatihyti, kahchu tane kuzze nayenihti: kahchu yakoone yinchut tsi toowe yehti,

³⁷ Mea so niyatuhtyeloo ehlahti ayi etye tsito sindizi kehchi, suni nisatintyi: mea so nisatuhtyeloo, atu suni nisatintyi, ahwole ayi yuhchisatyehai.

³⁸ Kahchu John ateyatetlalon, toowe ehtie, Meti, ghityii ehlahti atsinde metselihi hayateha nindizi ihe, atu chu naghaketayeh: kahchu nanitun, atu naghaketayeh ihe.

³⁹ Jesus toowe ehti koole, Atu nanaghahun, atuline keosahch akehe keo-ahchassi sindizi ihe, kwete ketseli hakehe sachuohoteissi.

⁴⁰ Kahchu ayi atu chahte anahilai naghachinati.

⁴¹ Mea so chu naghaooolu ehlahti tsa taismanni tu woton tsindizi ihe, Christ ezon manatunne aghli, kwa hli anaghaisii, atu tayatooalassi machitikechal-ih.

⁴² Kahchu ooline chahteayile assine ehlahti tidi natsutli aha sooti, otehchi ootaizi atunewoh mehnachahtune kazze tsye ma koos echaghesklu ate, tyechnuntyeh ate tu chok ticha tsi.

⁴³ Kahchu nila chahtontye ate, hlyenihul: otaihchi oochu nuni gha kweghoya tsaghatati achaghilihi ihe, nila onketi aghoo kochi otsitiya iyu aoontye khoon metselihi tsi, khoon atu nanatsaisti:

⁴⁴ Nootya atu taikyehti, khoon chu atu nanatsaisti.

⁴⁵ Kahchu nakye chahtontye ate, hlyenihul: otaihchi oochu nuni gha kweghoya tsaghatati achaghilihi ihe, nakye onketi aghoo ghotsinachatu-tyeissi khoon metselihi tsi, khoon atu nanatsaisti:

⁴⁶ Noota atu taikyehti, khoon chu atu nanatsaisti.

⁴⁷ Kahchu natai nihe atu oochu ookaitghai ate, hanehchul: otaihchi nawotaizi Nagha Tgha tike tsi oowooeissi natai ehlaite ate, natai onketi aghoo ate otsinachatuhtyellassi khoon metselihi tsi:

⁴⁸ Nootya atu taikyehti, khoon chu atu nanatsaisti.

⁴⁹ Aitye tane sootakun matghachulelassi khoon ihe, tsichatullihi assi chu sootakun ihe matghaachulehesi.

⁵⁰ Sootakun oochu: ahwole sootakun natuetah sootakun matghachilihi, tyeha kyehea sootakun matgha awahhliha? Sootakun kyatihch, kahchu oochu eotine klahtyi.

10

Tghaohyertia keneti.

¹ KAHCHU iiti otsi niiya, kahchu yuhchiklodesha Judea ti otaihchi Jordan natyechi: kahchu tane yinkhatyeha; kahchu tane ootanaun akehe kooh otye keoach ahli taneghaotatyechoo.

² Kahchu Phariseene yechitestyetl kahchu taoontya yehti, Oochu la teze tatsiyue yechanaolohu aotezi? kikaotyehunoo.

³ Kahchu ateyatetlalon toowehchu yehtilon Tyeha kehe anaghehtya Moses?

⁴ Kahchu toowe ghati, Moses hatyeh kha syeklah takehnicatinklessi o-ochatihtyehi adusklesse, kahchu oonchatohtyellu.

⁵ Kahchu Jesus ateyatetlakahchu toowe yehti, Naghadzye natsut akehe ayi ihe naghatsi achateskleslon tidi sa.

⁶ Ahwole hatseto otsi tike ooli toh Nagha Tgha teze oola tsege chu.

⁷ Ayi otsi teze tatgha echeli to chu kahchu tatsiyue kah awoti;

⁸ Kahchu kooh chu onkeghatatyee kootsun ehlaotooyesi: atu otaihchi onkyeghatutyeesi ahwole kootsun ehlaotooyesi.

⁹ Oo ayi Nagha Tgha tsayaghehtichii, atuline inchake niyulel.

¹⁰ Kahchu nito kwa oota yaotatichne taoontya yehti kwaka inhligi tsi.

¹¹ Kahchu toowe yehti, Ooline assine tatsiyue odehtyetine achune chu makahtueh akoochaile ate, soocha keoach.

¹² Tsege chu tatsiyue odehtye, kahchu makahtueh achilai ate, soocha keoach.

¹³ Kahchu kiyanihtyeyi tsito yechihai, yekatootihi; yaotatichne yachuoatatyech ayi naghanihtyisi ihe.

¹⁴ Ahwole Jesus wa-ichi, ohtye atu minihtike ooghilelon, kahchu toowe yehti, Ghateh kooyasahlah tsito yechihai sachaghatutyeli, kahchu atu nana-hahun: ayi ihe nao-oaizi Nagha Tgha kyeyih tsi.

¹⁵ Kwa hli anaghaisii. Ooline atu niyatooti Nagha Tgha kyeyih yechineke-hchi atu Nagha Tgha kahchi koowoyezi.

¹⁶ Kahchu yakoone ihe niyatintyih, kahchu yakatihtich, kahchu oochu yachi indityesa.

17 Kahchu yitai tyesha atghunni kehchi, ehlaityi yuhchidesha ghatlelu, kahchu yachinachustatalih, kahchu taoontya yehti toowe, Oochu Tanechoiyi, tawoshlaitea ahtaze wostazonha?

18 Kahchu Jesus toowe yehti, Yehoo gha oochu indityesa sindilon ha? atuline oochu oontye ehlaityi zon, ayi Tikeaootli.

19 Sa tsiwohzon atanati, Atu soocha aonta, Atu chu tane zaoohel, Atu chu anaooih, Atu chu ketselihooh tsiwotahoontich neotinooh, Atu chu tane nawooh, Ohtye taghooncha natgna chu noo chu.

20 Kahchu ateyatetlalon toowehchu yehti, Taneghaotatich, atghe tidi kama indityeaiih yeshihto otsi.

21 Kahchu Jesus yakaihtgha, yuntyeh, kahchu toowe yehti, Ehlaityi ooli nainchi tehtsut: ootinta, anehisi anetye mataghaneli, tyetaisanaine chu ghatanale, kooh ohtye natatootlosi ya tehchi: kahchu yuhchidiya, kahchu ninaootiah ayi sookatiya-i, kahchu sakehtiya.

22 Kahchu atu oochu indityesalon ayi sa tachi, kahchu yitaityeshalon atu keneli ihe: atane ohtye ooli natlon aye Hilton.

23 Kahchu Jesus klokanatgha, toowehchu yehti yaotatichne, Tewoty atalate ayine matatintlone kwewootyelassi Nagha Tgha nataghe tsi!

24 Kahchu yaotatichne yazake kaooghulli. Ahwole Jesus ateyatetla kahchu toowehchu yehti, Tsiotkhaine, tahtye indatlaoooh ayi kiyasooli mehmetatintlon kwewootyelo Nagha Tgha mataghe tsi!

25 Ayi kyeotunni ghatai kwewotyizoo apetsiche kaookoodi, o-ochi matatintlon ehlaityi teze kwewoya Nagha Tgha nataghe tsi.

26 Kahchu o-ochi ghaooohali, toowe hlaghatati ihe, Mea mechua agha-toota?

27 Kahchu Jesus yakaitgha toowe yehti, Tane la atu kookechi nioontsi, Nagha Tgha la atu kooh hoontye: aha atane Nagha Tgha atghezi ooli mahechi nioontsi.

28 Kahchu Peter toowe tyi ehti, Nea anetye kyecho tasityetl, kahchu naghakehtasityetliih.

29 Kahchu Jesus ateyatetla toowehchu yehti, Kwa hli anaghaisii, atuline ooli kyeghachelihine nito kwa, mekye koole, mehtghizze koole, matgha koole, ma koole, matsiyue koole, maskyege koole, matsatle koole, suni ihe, kahchu otich oochu ihe,

30 Ahwole otsinitooalassi keonetyi ketyi otehche enetyi too, nito kwane, mekye chu, mehtghizze chu, matgha chu, ma chu, maskyege chu, makyeyih chu, kahchu tookatayaghi chu; kahchu achu tike tsi ghonioonizut ate kwihzon ehchaghatati.

31 Ahwole natlone haladi atine haistlachi awotyeissi; kahchu haistlachi atine haladi awotyeissi.

32 Kahchu atghunni aghatii Jerusalem otsi ghatestyetlu; kahchu Jesus yaghatyeha: kahchu kawoghuli; kahchu kiyahsellu oonighanityetlon. Kahchu niyatila keneti onketi matgha kahchu yatatati yesoo yuhniyi ihe,

33 Toowe ehti ihe, Nea Jerusalem otsitatyetl; kahchu tane Chue niya-tohtyeyelassi taneghaotatich tyiyine, adeskesne chu; inkai mazetse ooli kiyehnton, kahchu kiyaniyutyellessi achunene;

34 Kahchu kiyachaochesi, kahchu kikatootoozassi, kahchu kikyehoozekassi, kahchu kizoohelessi: taiti dzinee awooche ate tsitike nawootyeissi.

35 Kahchu James chu John chu, Zebidee chue, yachidesha toowe yehtie, Taneghaotatyechi, kooh koosti aghaawoti akootiti sikooh.

36 Kahchu toowe yehti, Yea sachi nioonunassit naghachanasti?

³⁷ Kahchu toowe kiyehiti, Aghaniah sookah ookyetih, ehlaiti mehoonati, hligi oosklaghazihyte, nachatinchai kehe.

³⁸ Ahwole Jesus toowe yehtii, Atu atawahti ooli ootahkyeti: atu mihe tuwahto la ayi tsa mehtughastoi? kahchu tunaghakechuhkliti ayi mehtanekhaitsikliti ayi ihe nehsakaichihkliti?

³⁹ Toowe kiyehiti, Atu ahandatla. Kahchu Jesus toowe yehti, Kwa hli tuwahtoissi tsaeh ieti otsi tughastode; kahchu ayi mehtukhaitsihkliti mihe tusakechihkliti ihe ayi ihe mihe naghakyechuhklitassi:

⁴⁰ Ahwole wostyi chisinchi chu tayaghetichu oosklaghazintye atu si sen-atunne eli kaooali; ahwole kooyachulelassi ayine kooya so-ochesunne,

⁴¹ Kahchu kenetyine aghatitsuk chi ohtye atu yatsi kyehanelilon James chu John chu.

⁴² Ahwole Jesus tyechi yehtilon toowehchu yehti, Atawahti ayi kechanetya kehe kikaootsutti ayi achune kooyakeolech; kahchu kootaityiye kooy-aghatah.

⁴³ Ahwole naghai atu kooh akehe naghahyteissi: Ahwole ayi koonoochu sachatoohcha kooti, naghani ayi nagma keo-otichassi:

⁴⁴ Kahchu ooline assine naghani ihe haladi miindichatoesi o-ochi cha-toohchai gha, tane glia keo-otichassi achanetye gha.

⁴⁵ Ayi aghoo teze Chue atu makeochatichi ihe yuhchideya, ahwole tane gha keo-otichassi, kahchu khaooallu yeghataisi natlone yatachi ootane.

⁴⁶ Kahchu nighanintyetyl Jericho: kahchu Jericho otsi hatayaooch yaotatichne chu tane natlone chu, mataituehi Bartimaeus, chue Timaeus, tinkuzze satah tyechihi ihe.

⁴⁷ Atitsuk chi ayi Jesus Nazareth chihatyeyutti, ohtye tyi otyesta, kahchu toowe yehti, Jesus nai chue David, soonchoonaya.

⁴⁸ Kahchu natlone yatati atu awotihhi gha: hoontye ooli otaihchi ohtye otyesta, David chue, soonchoonaya.

⁴⁹ Kahchu Jesus hlininiya, kahchu kwehakehe ehti. Kahchu tyechi kiyehiti ayi teze mataituehi, toowe kiyehiti ihe, Kyeneneli, niya; tyechi nehti.

⁵⁰ Kahchu ooyadehchus yiatehtakadi, niya, kahchu Jesus tsidyeha.

⁵¹ Kahchu Jesus otyesta toowehchu yehti, Ye sachinioonunisa anusleha? Ayi mataituehi teze toowe ehti, Aghaghintai, setai saanaoontlihi.

⁵² Jesus toowe yehti, Taihchi ootinta; na-ihe naghinta. Iitetyeh matai naotli, kahchu Jesus kyehtesha atghunni.

11

Tghachyestla keneti ehlaiti matgha.

¹ Kahchu hwa aghatyi Jerusalem, Bethphage chu Bethany chu chisinchi, khis kuchi Olives aghaty, yitaityeha onketyene yaotatichne,

² Kahchu toowe ehti, Taihchi otsitahtyel yito kwa oontlo chi naghanataichi: kahchu kweghaachatyeh soosooklya aghahtyellassi taghaklu, atu makai achaty; tahwahut, kahchu yuhchinaghahtyel:

³ Kahchu ooline toowe naghai tyete, Yehoo gha kooghghahtya oontye? kooh taghahiti, Metihi tiye hehti; kwete cho otsi nayaduesi.

⁴ Kahchu yitaighatetyetyl, kahchu soosooklya kiyintyi taghaklu tuskla-hooka atghunni yaghintyidi; kahchu tahkiyainghut.

⁵ Kahchu tahkiaie iiti naihyani toowe kiyehiti, Yehoo gha kooh hahtya oontye taghahutti soosooklya?

⁶ Kooh kiyehiti koohotyey ayi Jesus akooyehitii: kwa kootayinchut.

7 Kahchu soosooklya Jesus gha naghunihtyi, kahchu kiyeatetahkatti keghihla; kahchu yakaisata.

8 Kahchu natlone kiyeatetahkatti atghunni tsiyaghestla: kahchu achune naghaghahul tatsi tachin tsi, kahchu ghatyeh atghunni ghatunihla.

9 Kahchu ayine haladi atine, kahchu ayine tanekeghataihne, oghatyesta, toowe ghatieh, Hosanna; Moohchuootaya ayi yuhchideshai yindizi ihe Naghaghatai:

10 Koonoochu moohchuootaya manataghe nagma tgha David, yuhchideshai tindizi ihe Naghaghatai: Hosanna ayi zon o-ochi yataihchi miindiotehah.

11 Kahchu Jesus kwiya Jerusalem, o-ochi tyetachatlihi kwa chu: kahchu kootoo anetye ooli ookaghanehtghachi, kahcu kahkachi aoocha koonhionizutooh, hadesha Bethany tsi keneti onketi matgha chu.

12 Kahchu naodike tsi, oostatyetyel Bethany tsi tapat:

13 Kahchu chiche chok chine toontyetsi ya-i maton ooli, yuhchidesha intyizon ooli ion ate: yuhniya tsi aton zon yilah; atu ka chiche nichatilesti kho noonizut ihe.

14 Kahchu Jesus otyesta toowehchu yehti, Atulire otsitsassi chiche nai ihe too otsi noonizutti otsi. Kahchu yaotatichne oohatitsalon.

15 Kahchu nighanintyetyel Jerusalem otsi: kahchu Jesus kwiya tyetachatlihi kwa otyiyi, kahchu hayadesla ayine atagholane kahchu ataghatotane tyetachatlihi kwa otyiyi wota, kahchu yechonayadehklit yakeehtai ayine sooniya klaghayihne, kahchu yestahi chu ayine oyetli tagholane;

16 Kahchu atu hatyeh yasehlai iyu maaontye ooline yatooai oolita tatawuchulihni tyetachatlihi kwa otyiyi oota.

17 Kahchu yaotatich, toowe yehti ihe, Koo atu kooh akehe nichatinklessi la, Sa kwa anetye tane tyetachatlihi kwa wowohyih? Ahwole kooh awahtla anoosine take.

18 Kooh adesklesne chu taneghaotatichne tyiyine metihi chu oohatitsuk, kahchu oonkhaghanatgha tyeha kehe chahteakiyule gha: yeghanejit ihe, aitye tane khaoghulli ihe yachihootehe.

19 Kootoo kahkachi ooli tsi, hadesha nitokwa wotyih tsi.

20 Kahchu hatlindo aoocha, taihchi ghataihlu chiche chine maghaye otsi ya-ikoonoo kiya-ih.

21 Ayi Peter kyejetitihyu toowe yehti, Taneghaotatyechi, makintgha ayi chiche chine atu yeswe adintii kwa sakoon.

22 Kahchu Jesus otyesta, toowehchu yehti, Nagma Tgha aha oodinti.

23 Atai kwa hli anaghaisi, ooline ti khis atyetane, Achu ninintsit kahchu otsinachatohtyeli tu chok tsi; kahchu atu tawahkootye ate tadzye ihe, ahwole ihe kootilon ate ayi ooli ehtii sakyehchi niwotsitti; awohiisi atghazi ooli tyekootesi.

24 Ayi ihe anaghaisii, Ooli si noonunisitassi, aghaswehlye ate, ihe kootahti nitaghahali, koonzon naghahaisi.

25 Kahchu natahya otye aghaswehli intyizon ooline oolakehe chahte meitaitai ate: Nagma Tgha naghai chu ya tehchi ati naghaoochatoohulassi nagma metselihi.

26 Ahwole atu ootalai ate, atu naghani chu Nagma Tgha yatehchi ati naghaoodohulassi nagma metselihi.

27 Kahchu yuhchigatestyetyel Jerusalem tsi: intyizon ghayahlhu tyetachatlihi kwa otyiyi oota, yinkhadesha taneghaotatich metihi tyiyi, kahchu adesklesne, kahchu haladi meindi chatehaneh,

²⁸ Kahchu toowe yehti, Ye makaoonsatsut ayiwoh keonaahch aontye? kahchu mea nayiwa tidi kakaoodzutti keonaahchi tidi ooli?

²⁹ Kahchu Jesus ateyatetla toowehchu yehti, Suni chu ehlawotatye taoontya naghosyeassi, kahchu satatahti ate, naghatatuhsi ye kakaoodzutti kooh akehe kewohahch aontye tidi ooli.

³⁰ Matukeghihliti John yataihehi otsi la tatyeesut oontye, tane tsi koole? kootatinti.

³¹ Kahchu inchooghatatyech, toowe ghati ihe, Koohtitye ate Yataihchi otsi; kooh tootyezi, Yehoo gha tawah tahtyaaontye?

³² Ahwole koohtitye ate, Tane tsi; tane eghanejit: ayiwo aitye tane koohkiyehti John, yaghi kwa hli tanetaghatahchne ali.

³³ Kahchu ooghatyesta kahehu Jesus tsi toowe kiyehi, Atu koowoti. Kahchu Jesus otatihch toowehchu yehti Suni chu atu naghatatuhsesi naghakaoodzutti ayi ihe keonaahch tidi ooli.

12

Tghachyestla keneti onketi matgha.

¹ KWA tyi yaotatich yiheaghasule. Ehlaitye yaghi tane oonehye chiche chok chine ochunehyehti, kahchu anetye ootaisuggi oola lon, kahchu hayaghinkyetlon ayeti chiche tu taoohklitigha, kahchu nayaghintsih khaghatai kwa, kahchu yaniyooh oonehyene tane, kwa tontyetsidesha.

² Kootoo koonioonizutooh otsiyateha ayi ehlaitye yakeotiche yinkhadoya natlone tezoo, yayual assilon chiche natlone tezoo chiche chine oochunihyehi tsi.

³ Kahchu nighatintyi, kahchu kikutatooz, kahchu tahzoh achukihteha.

⁴ Kahchu yachideha achune woaine; kahchu ine tsihadehyitl, kahchu tsinakoozehai yetsi ihe, kahchu achukideha maooya ooli.

⁵ Kahchu achune otsideha; kahchu ayi hazehai; kahchu achune natlone, tahkine chu kikutatooz, tahkine chu kizehai.

⁶ Kwaka ehlaitye machue ayehi, o-ochi mandayadetlahoo, ayi chu haistlachi yachiyadeha toowe ehti ihe, Kiya indi nootghahassi sechue.

⁷ Ahwole ayine oonehyene tane toowe hlaghatati, Tunela katsila kakaoozutassi; kwa hoote zaoogheli, kwa naghani kakaoozjutassi.

⁸ Kahchu nighatintyi, kahchu kizehai kahchu khakitihtyi chiche chine ochenihyehti iite otsi.

⁹ Yea aoti ayi kakaoodzutti chiche chine ihe ochanahyehi? yuhchinatlone chahtawoleissi oonehycne tezoo, kahchu achune chiche chine ihe ochanahyehi ghaoalassi.

¹⁰ Koo kahchu atu makeh ootaghatechila tidi aduskles; ayi tsye kiyenali? ayine nito kwa aotline ayi hatse oohniya sookewostidi:

¹¹ Tila Aghakaoodzutti makyeoahchi, kahchu ohtye kawochulih naghataitgha?

¹² Kooh chu oonkhaghanatgha kiyuhchutigha, ahwole tane eghauejtitlon: aghatane atawo-otih ihe ako-oyehi ihe ayi meaghasoochali: kahchu kiyechutestyetllon, taichi ghanintyettl yu.

¹³ Kahchu kichiteha tahkine Phariseene chu Herodiana chu, kiyukluhchi gha yazake.

¹⁴ Kootoo nighanintyettl tsi, toowe kiyehi, Taneghaotatich atawotih i hlodinti, atu chu ooline inaoohoontyassi: atu chu kyinditaniha tane oontya kehe, ahwole taneghaodintich Nagha Tgha oontya kehe matlontideh: Tsiwohzon la machulelu mehtikechilehe sooniya Caesar, intooe ate chu?

¹⁵ Kaooyeli la, atu kaooyeli koole? ahwole atai atawonatioo meaneahe, toowe yehti, Yehoo gha sakaootahun aontye? sananahah sooniya satsoone, wosyekhai.

¹⁶ Kwa nakiyiooh. Kahchu toowe yehti, Mea achintye sikooh kahchu takehnicatinklesi mindizi? Kahchu toowe kiyehi, Caesar tsi.

¹⁷ Kahchu Jesus ateyatetla toowehchu yehti, Caesar ghanahah ayi ooli ayahi Caesar, Nagha Tgha chu ooli ayahi Nagha Tgha. Kwa Kiyaooli.

¹⁸ Kootoo kooyinkhachatestyetl ine Sadducee yaghine nachaghintai oon-tooe ghatine; kahchu taoontya kiyehi toowe ghati ihe,

¹⁹ Taneghaotatyehchi, Moses aghaadusklesiih, Ooline mekye tehtsut, ate, matsiyue chu yechodyesha ate, kahchu tsito atu yechodyesha ate, mekye matsiyue niyatahueloo, yaskyee yayanuhi tsito mekye.

²⁰ Oowhilihi taiuchine hlyehligi ghili: kwa ayi hatse tsege nitintyi, tehtsu-tooh atu tsito yechodyesha.

²¹ Kooh chu haladi tachi tsege ninayatihtyi kahchu tehtsut atai chu atu tsito yechodyesha: haladi tachi ayi chu kwaka hlyeih.

²² Kahchu taiuchi aline aghahiii, kahchu atu tsito yechoghatatye: hli haistlahchi ayi tsege tehtsutii.

²³ Hooghaghintyetti tsi, tsitike ghaiskye tsi ooli ate mea soo ate yakahoota tyiooh? taiuchi ghili aghanetye kookahsatalon.

²⁴ Kahchu Jesus ateyatetla toowehchu yehti, Atu kha yaghayala, atu itawahtih ihe, aduskles tyi, Tikeaootli koole manatsutti?

²⁵ Kootoo tsitike ghaiskye ate koozetse otsi atu inkah tueakoochila koole atu chu hlakoochilalon; ahwole keotihchi tyi yeghinhtyelon yataihchi ati.

²⁶ Ahwole tehtsut ine, tsitike nawokyese: atu makyeh ootaghatyechtah ooli la Moses adusklese, tyeha yehti kat tsaghehtonti Tikeaootli yechiintechii, Suni Tikeaootli asli aontye Abraham tgha asli, kahchu Tikeaootli asli aontye Isaac tgha asli, kahchu Tikeaootli asli aontye Jacob tgha asli?

²⁷ Oochu natoonee atu yeta odeha ahwole yaghitane gha: ayi ihe o-ochi kayaghatut.

²⁸ Kahchu ehlaite adesklesi yahchidyeha, kahchu atitsuklon ihe inchiotatyech otye, kahchu atawotihoo tsiwohzon ateyatetlalon, taoontya yehtilon, Tyeya ootaihchi hatse tsiwotsatyehli?

²⁹ Kahchu Jesus toowe hakehe ateyatetla, Hatseto tsiwotsatyehli anetye asikooh titih Nea oozintso, Israel; Naghaghatai Nagha Tgha atane zon Naghaghatai aontye:

³⁰ Kahchu maontye Nagha Tgha Naghaghatai atghe nedzye ihe, kahchu atghe matsinde ihe, kahchu atghe nindi ihe, kahchu atghe nanatsutti ihe: ayila hatsetoh tsiwotsatyehli.

³¹ Oo ayi onkye kwa hlye oontye, toowe hakehe, Mataghoonti nehtanoone natsun matintya kehe. Oontoote tsiwotsatyehli ootaihchi miindichatoohai tizon.

³² Kahchu adesklesne toowe yehti. Kwa hli Taneghaotatyehchi, kooh tintiih hlanchati: ehlaite zon Tikeaootli ali; atu achune atune zon:

³³ Kahchu machutye atghe khadzye ihe, kahchu atghe atsatsuk ihe, kahchu atghe khatsinde ihe, kahchu atghe mehnatsutsut ihe, kahchu yu-atutih yetanoone atwati yakehe, ootaihchi kyeindi ooteha ayi aghoo atghe tsichatihuli chu inghade keochaachi chu.

³⁴ Jesus wa-inchi ooyu tahwohzon, toowe yehti, Atu tontye tsi anatih Nagha Tgha nataghe otsi. Atu ayi keh taoontya atu nichatitah ooli.

³⁵ Kahchu Jesus otyesta toowehchu yehti taneghaotatyechoo sahtgha tyetachatlihi kwa tyiyi oota, Yehoo gha adesklesne kooghatya oontye Christ David machue?

³⁶ Ayi ihe David atane koochati kooehtii Atsinde Oochu ihe, Kakaoodzutti kooyehtii Sakaoodzutti, Nuni sinta noohtichintye atehzonih aiseakooyasle ate tsintanine.

³⁷ David atai hoochati nai Kakaonadzutti yehti; tyechi otsi gha machue yilontye? Tyetaisanaine kyehanelilon oochu kititsalon.

³⁸ Kahchu toowe yehti machiootehe, Matsagha ghahta adesklesne, tane ayine kwaghintyene koo kestue yaintyesne, kahchu kwaghintye kyila chihiche inchiatahachulihti.

³⁹ Kahchu asta otyihti tyetachatlihi kwa, kahchu o-ochi nataghisatooh asta kwehluchayihti:

⁴⁰ Chahte akiyila ya kwa waatyih, kahchu tane ghanaahooch oontyes oohatatyech: ayi ti otsinighatooalassi ohtye otaihchi ketselihooh keochaahchi.

⁴¹ Jesus chu sata sooniya ninchatilesti oghade, kahchu tane ya-ih iotsi sooniya otsiyateliyihoo kweotsi nichatilihi sooniya; natlone chu tatintlone natlon kwechihatehul.

⁴² Yuhchidesha ehlahti tsege tiesunni waatyih ali, kahchu kwehchiyatehyitl o-ochi yaintsuti onketya sooniya satsoone toolya ehlahti sooniya satsoone enetya eyontyi.

⁴³ Kahchu yaotaticzne tyechi yehti, toowehchu yehti, Kwa hli anaghaisii, tai tiesunnioo waatyih naghataihchi ohtye kwechiyatestla, anahtye naghai oota kwechitala sooniya nichatilesti:

⁴⁴ Ayi ihe aghanetye kwehchighadestla kootatintlon otsi; ahwole atai yindatli otsi kwehchiyatehyitl anetye ayehesi, anetye ooli yighataisi.

13

Tghachyestla keneti taiti matgha.

¹ HOONTATAHOOH tyetachatlihi kwa otyiyi tih otsi, ehlahti yaotatichi toowe yehti, Taneghaotintichi, nea ti tsye naih atotyeh, kahchu nito kwa atotyeh chode ooli!

² Kahchu Jesus otyesta, toowehchu yehti, Onaila tidih kwa tyiyi tonli? atu ehlahti woo meachu chatuyesi tsye tasao nachatihulassi.

³ Kahchu sata klataihchi khis ke Olives ooghade tyetachatlihi kwa tyiyi, Peter chu James chu John chu Andrew chu taontya kiyehilton sahti aghati zahtgha,

⁴ Aghatantini, taisatsi ooli khoonooziti aontye? kahchu ate taootyaontye kootoo anetye ooli ooghade nininkye ate?

⁵ Kwa Jesus atoyatetla toowehchu tyi ehti, Tyeke atuline naghanooah:

⁶ Natlone chu yuhchighatutyellassi sindizi kehchi, toowe ghatuti ihe, Suni Christ; natlone chu ghanooahassi.

⁷ Kahchu atahtsuk ate natsapahi kahchu natsapahi eoyu ate, atu nagma khazatawahtyel: ayi etye ooli kehchi nio-otsitassi; ahwole halohchi atuka koohnao-ozitassi.

⁸ Ayi ihe ehlahtidi tane ghataghitodeh kiyinkha ghatapah achu tanane, kahchu tane tike inchi niuhach: kahchu eonetye tsi tike ootooloone tsi, kahchu wo-olyesi to khasihai tsookachatayahi chu: ayila tatyeeski ochati kyeatsunatsitti.

⁹ Awole achukhahahta naghai: naghaghatoochitassi tsiwotsatyelchi; kahchu tyetachatlihi kwa oota naghaghatutsyeesassi: kahchu

nanaghachulelassi haladi tsiwotyih metihi o-ochi metihi tyiyi chu suni ihe, ayi ihe kooyeh ooghahtichoo.

¹⁰ Kahchu otich oochu ihe hatse kooyehoochutchassi tike okehe atghe tanane tsi.

¹¹ Ahwole otsinaghachataistle ate, kahchu naghachataitsut ate, atu ahunataihchi kindiwahtsit atawahtyakehe sootasun koole ataghahkyakehe: ahwole ooli si naghachualassi ayi sakehchiaghali ayi otahtich: atu naghani otahtyech ahwole Atsinde Oochu.

¹² Mekye taza ihe yatutsitassi azeche tsi mekye, kahchu atgha khachue; kahchu tsihone koonahchine niwotyelassi, kahchu nakiyuteissi tsazuheli gha.

¹³ Kahchu naghai tane naghachatuh Ikeassi sindizi ihe: ahwole ayi ayuhi haistlahchi otsi, ayi nachaohtaisi.

¹⁴ Ahwole wa-itah ayi metselihi chahtehnitsutsiti tsi kamaotatyehchi Daniel atanataihchi atawatihi nachaghintsitti ayiti o-otooassi lon, (ayi aghasule inkai ootootsukki,) inkai ayine Judaea aline khis tsi ghatoowhezi:

¹⁵ Kahchu ayi tahtaghatsi nito kwa atu noocha nito kwa otsi, koole atu ayite kwewoya oolitah nitoaluh makwa otsi:

¹⁶ Kahchu yaghi achunihyehti oota ati atu tahnatoocha yehatyetakhati niyatoallu.

¹⁷ Ahwole atu oochu awohtyeissi ayine koozita tsito tehtsine, yaghine chu tsito yehtochne ayi dzinee!

¹⁸ Kahchu aghasuahlih nahuthataklihi atu yaske ooli.

¹⁹ Ayi ihe dzinee oolezi tsookachatayahi, ayi etye natooehi zon ooliih toh otsi hatseto tike ooli toh otsi Nagma Tgha ayilai, kwa hlilon too otsi, atu koole o-otoowesi.

²⁰ Kahchu atu Tikeaootli dzinee nakhasse oolai ate, atuline ootaizilon: ahwole matghachihchine tsi, yatgha-ihchilon, natya oolalon ayi dzinee.

²¹ Kahchu ooline toowe naghahyete ate, Nea, taila Christ; koole nea, yaghi-tih atih; atu a Kootaghahti:

²² Ayi ihe atu tyeswe Christ kahchu atu tyeswe ghaghatane niwootyelassi, kooh chu kiyuesi ehtole kahchu kawochuli, aghanooahi gha, awowootli iyu aontye ate, matghachihchine.

²³ Hoontyeoo khama-inditahsit naghani: nea, naghataasih atghazi ooli ootgha.

²⁴ Ahwole ayi dzinee, kaohtzut ate ayila tsookaehatayahi, sa ihewohelassi hatleke iza chu atu kaooalassi maootaghe,

²⁵ Kahchu yataihchi sun ooli nakyelassi, menatsutsutti yataihchi ta ooli yatooloonassi.

²⁶ Kwa ayiti kiyueissi teze Chue yuhchidesha khoos tgha o-ochi mehnatsutsutti chu tsatinchai chu.

²⁷ Kwa iiti otsiyateha yakeotihehi tyiyi, kwa chu nachaghanoolelassi yatghachihchine tyeotatyechi otsi ninchi, o-ochi tike wolonhchi otsi kwa hlilon o-ochi yataihchi lonhchi.

²⁸ Kwa hoote ookaatawahti mihe achati chiche chine tsi; kootoo kwaka matatse natsutletonh, kahchu ato nehyehta, atawahtihoo hwaza atoleh ooli:

²⁹ Kooh otye naghani chu, wa-ichi tidi ooli koohnininkye ate, atawahti kwa hwa ooli, tusklah koole.

³⁰ Kwa hli anaghaisii, taine yahlaniyune tanane atu koolonh oolesi, aise atghe ooli tidi achahi.

³¹ Yataihchi chu tike chu o-otooesi; ahwole sezake atu woloh oolesi.

³² Ahwole ayi dzinee kahchu ayi sakehchiahali atuline atawoti, ama, atu keotihchne tyiyyi yatehchi atine aghoone khachue aghoo, khatgha zon.

³³ Tyeke naghai, ootanaahi kahchu aghasuahli: ayi ihe atu atawahti kooh nawizut ate.

³⁴ Tezoo Chue ali ihe tezoo yetye tontyetsi tatyeh ihe, tanito kwa kye-chotyasha, kahchu yatsiwosta yakeotichne, kahchu anetye tezoo keotihch akehe, kahchu ayehtii tusklah khaghatai ootanoo gha.

³⁵ Ayi ihe ootanaahi: atu atawahtihii aontye kootoo nito kwa khaghatai naoochati, kahkachi koole, hatleke tatichi koole, tihchok otyesta zahtgha koole, hatlindo koole:

³⁶ Intyizon nooja ate, atu nahoohyeloos satyechu.

³⁷ Kahchu ayi anaghaisii anetye kooyesi, Oonahi.

14

Tghachyestla keneti tinti matgha.

¹ Onkyeti dzinee oolesta ooli kwehlachayihii passover ahati, kahchu otles atu chehyutli: kahchu taneghaotatyehi tyiyine adusklesne chu oonkhaghanatgha oolakehe naonai nighatuhtyeli gha, kahchu kizuhelyu.

² Ahwole toowe ghati, Atu kwehlachayihii dzinee eli, atu tane inchin-ootyelu.

³ Kahchu ali Bethany tih ma kwa oota Simon chusache ayahi, intyizon sata atsitsoo yuhchidesha tsege ayahi khluk tsye khaisis spikenard otsi o-ochi matahi nalan; kwa yataghataghiooh tsye khaisis yitii, kahchu yatsi kachi nayadinklit.

⁴ Kahchu tahkine atu keghaneli kooyindi ihe, kahchu toowe ghati, Yehoo gha tidi ghatsatyestka tidi khluk?

⁵ Ayi ihe ataghachulekhai ootaihchi tghakooh keoneti ketyi sooniya satsoone ihe, kahchu tyetaisanaini ghachulelakhai Kwa atu tyeswa akiyehti.

⁶ Kahchu Jesus toowe yehti, Atu machuwahti; yehoo gha machisootahtyihch? ootaihchi oochu saatyiih.

⁷ Ayi ihe inkaa eahline tyita-isanaini, kahchueoonetye akootahti o-ochi akooyaghaklehesi: ahwole suni atu inkaa nagmaasli.

⁸ Koo hatiih machitlonh otsi: ootagha yuhchidesha yuhthlukke gha oochu nisachutyel gha.

⁹ Kwa hli anaghaisii, ooli tsi otsi tidi otich oochu moohwochatih ate tike okehe, tidi chu atii moohwochutyehesi menachutih gha.

¹⁰ Kwa Judas Iscariot, ehlaithi keneti onketi matgha ihe, yinkhadesha taneghaotatyeh tyiyyi metihe, ooli oochadehyitli kyehodewoosh,

¹¹ Oohaditsuk chi, ohtye kyehanelilon, kahchu ootagha tsi akiyehtilon sooniya yaoleli. Oonkhanatghalon tyehakehe sookah nio-otsitigha chahte autigha.

¹² Kahchu hatseto dzinee otles atu chihyutli, kwa ooghazehai passover, yaotatichne toowe yehti, Tyecha koodinti nataghasootaoozani ate oonsitsi passover?

¹³ Kwa onkye tane yaotatichne yitai tyeha, toowehchu yehti, otsi-tahtyel nitc kwa otyiyyi tsi, kwa matiti tagahazasi ehlaithi teze yaalu ehlaithi mehtukachatayehi taismanooh tu ihe: makehtahaz.

¹⁴ Kahchu kwiyesitti, toowe ahti nito kwa kakaoodzutti, Wondi achune kwa ayiti o-ositsi passover mawotastihchne chu?

¹⁵ Kahchu wahih naghotyehi ooncha tyinta ooli chelohchi soowachisunooh: Naghani gha iehi soowatahsun.

16 Kahchu yaotatichne yitaighatestyetl yuhchi chu ghatatyetl nito kwa otyiyi tah, kahchu woghiooh akooyehtiii: kahchu yatagha sooghihsun passover.

17 Kahchu kahkachi yuhchinooja keneti onketi matgha chu.

18 Ghadehtsi zahtgha kahchu eghinta, Jesus toowe ehti, Kwa hli anaghaisii, ehlaithi naghai chodeh sakahtane chahte asooti.

19 Kwa tyi atu keghaneli, toowe chu tyi ghaiti ehlaityekooh, Suni la? kahchu hligi toowe ehti, Suni la?

20 Kwa ateyatetla toowehchu yehti, Ehlaithi kenetye onketi matgha ihe, yaghi tila ihe setyi tsa ihkye.

21 Tane Chue otsidesha, takehlichatinkles akehe otye: ahwole atu oochu oontye yaghi teze tane Chue mihe atahachahi! otaihchi o-otaizilon yaghi teze ihe atu niniya tah ooli ate.

22 Kahchu aghatsitsoo zahtgha, Jesus otles tyes nidiooh, kahchu merci ehti, kahchu tahke yataghiyits, kahchu yayiooh, toowehchu yehti, Nitahah, mehtah: tila sazi alonte.

23 Kahchu nidiooh mehtusato, kwa kayioo merci, yayiooh: kwa aghanetye ayite otsi tughatolon.

24 Ahwole toowe yehtiii, Tila sa tulle alontye aduskles koonde ihe, oontlo chi otsi tyechiikhli.

25 Kwa hli anaghaisii, atu otaihchi wostoissi machiche chiche tu chine tsi, kwa hlilon yaghi dzinee kwa kootyinuusto Nagha Tgha nataghe.

26 Ehlaithi hyin eghachinooh khis Olives tsighatestyetl.

27 Kahchu Jesus toowe yehti, Anahtye naghai atu oochu inditaghaaisi suni ihe too hatleke: takenichatinkles akehe, Ooshalasi aspai ghaghatai haslai ite onetye tsi natihassi aspai.

28 Ahwole tsitike netai ate, naghaghatuhshezi Galilee tsi.

29 Ahwole Peter toowe ehti, Inkai ahwole aghanetye atu keyaneli ate, hoontye koole suni intue.

30 Kahchu Jesus toowe ehti, Kwa hli anesi, tidi dzinee, tidi hatleke te, atu ka onkye otyesta tyeh tihchok, tghakooh oochit soota-ghoontyysi.

31 Ahwole otaihchi otatich hloduhsi kootieh, Ahwole nakah tanesut ate ooh, atu ihlawotatehoo oochit noodustyeysi. Kwakooye otye aghatane chu ghathih.

32 Kwa koohnaghintyietl Gethsemane woyetih: kahchu toowe yehti yaotatichne, Nea aghasushlito sakyeh.

33 Kahchu yehtestyetl Peter chu James chu John chu, kahchu o-ochi inditatanne, kahchu matsun tah onkhail acha;

34 Kahchu toowe yehti, Setsinde o-ochi atu oochu atyetatih azetse tsi: chode ahtli naghai, kachchu ootanahi.

35 Oontsutle wotaihahi otsidesha-ih, kahchu tike wozohtih nwatsutooh kooyekchhi tyetaooklihasi sye makehchi nio-otsilon, ayi sakehchi ahalai yao-otsitoo.

36 Kahchu toowe ehti, Abba, Tyeih, atghazi ooli tahnootsut nuni; tidi mehtutsato saone naniah: hoontye ooli atu suni koosti, ahwole nuni koodinti.

37 Kwa yahchidesha, nayintyi satyi, kwa toowe yehti Peter tsi, Simon sintyi la? atu ooniila ehlaithi meoochanehoo?

38 Oonahi kahchu aghasuhli, atu otsitawohazu inkaoochatauntih. Atsinde kwa hili ootagha, ahwole khazi chintyeh.

39 Kwa yitai tyehsa, kahchu oghasulih, kahchu kwaka ayi zake ihe ootatich.

40 Kwa oondehsha tsi, yintyi satyi kahchu, (kootai ya-inkhai ihe,) kahchu atu ataooti atyekitooklih akehe.

41 Kwa tghakooh yuhchidesha, kahchu toowe yehti, Kwa hwe satyih, kahchu niwotahah mehnatahyihi: kwakoole, meoochanehoo koohnaoozut; nea, tezoo Chue mataghachila taghila tsi metselineh.

42 Niahtyel, yitai tawotyeli; nea, yaghi atu oochu asehti kwa hwa atih.

43 Kwa kwete, kwaka ootayehchoo, yuhchidesha Judas, ehlaiti keneti onketi matgha ihe, kahchu yihsteyetlooh tane natlone simakanis pyese chu mekachatayitli chu, taneghaotatyehchi metihi tyiye ihe, adesklese chu hoola atityine ihe.

44 Ooh yaghi atu oochu ayehtii yayiooih mehyachanitsiyi, toowe ehtieh, Ootayasihchassine wohtsiewohzyesi, ayila ayi; nintahtyeh, kahchu yitai tahtyeh tyekheh.

45 Itetyeh nooja ate, tsiwohzon yatsi anaatahlu, toowehchu ehti, Metihi, metihi; kwa yunchighachi.

46 Kwa kiyinchut, kahchu nighadintyi.

47 Ooh hligi ayiti naghatehyane tapyese natyese ghayaghachut, kahchu nayatehul yakeotihchi taneghaotatyehchi metihi tyiye, kahchu yatsakhe tyeghihyitl.

48 Kwa Jesus ateyatetla, toowehchu yehti, Ihla unoosi khataachila pyese intyeyi yu mekachatayitli yu tala nisataghahtyelu?

49 Naghaikyastaichii dzinee eonetye tyetachatlihi kwa oota taneghaodin-tihchoo, atu chu nisatatyiih: ahwole aduskles tyiye tikewokyeli.

50 Kahchu aghanetye kiyechodestyetl, kahchu taghohghadehsut.

51 Kwa ehlaiti uskye yakehtehtla, atetakhatooh chatachi takulli intyedi ati; kwa uskyegoone kiyinchut:

52 Kwa kyechodyesha ayi chatachi takulli, kahchu tghihklah intyedi.

53 Kwa Jesus otsighatehtyi o-ochi taneghaotatihchi metihi tyiye atindi: kwa ayiti atghe yeghati taneghaotatyehchi metihi tyiye hoolaatitine chu, adusklesne chu.

54 Kahchu Peter tontyetsi otsi yakehteklalon, koole taneghaotatyehchi metihi kwa tsi: kwa yakasatah keotichne, na-itziluh khoon tsi.

55 Kahchu taneghaotatihchne metihi tyiye atghe chu tsiwatilhne oohatakyet otsi ayi ihe atu oochu akiyuti Jesus kizuheli; ahwole atu oontsutli ohwiooh.

56 Ayi ihe natlone ketseli hakehe athlaghatati, ahwole atu hleoontye tagha-soocha ootihe.

57 Ooh tahkine nighintyetyl, kahchu atu tyeswe akiyehti, toowe ghata ihe,

58 Tasitsukiih atyakehe, Chahtehaaoslyeasi tidi tyetachatlihi kwa tyiye atsila kila ihe, kahchu taiti dzinee aoocha ate achu nao-osiasi atu kila ihe.

59 Ahwole aghatane chu koosoochwotihii atu hleoontye.

60 Kwa o-ochi taneghaotatyehchi metihi tyiye ookaze nazut, Jesus tsi taoontya yehti toowe ehti ihe, Atu atyetunatla la? ye ihea ayi chahte anaghatya oontye?

61 Ahwole atu wotih, atula kehe chu atih. Kahchu o-ochi taneghaotatyehchi metihi tyiye taoontya yehti, kahchu toowe yehti, Nuni la ayi Christ, ma, Chue Moohchuoootaya?

62 Kwa Jesus toowe ehti, Suni ayi: kahchu wahyesi tezoo Chue satah nootichintye mehnatsutsutti, kahchu yahchityesha khoos yataihchi.

63 Kahchu taneghaotatyehchi metihi tyiye tanatunne yaghinchil, kahchu toowe ehti, Ye ootaihchi a soochawochatihii khasootiti aontye?

⁶⁴ Ootahtsukiih mehe atachochihliti: naghani ta kootahtya? Kwa aghane-tye kooye hlaghatati tsazuheli gha.

⁶⁵ Kwa tahkine tyekookeghizek, kahchu yani aghataghighat, kahchu nakiteghul, kahchu toowe kiyehiti ihe, atanataihchi woka atawonati: Kwa keotihchne nakiteghul taghila tyiyyi ihe.

⁶⁶ Kwa Peter yiyue nito kwa otyiyyi ti ati, yuniya ehlaithi taneghaotatyehchi metihi tyiyyi yawoai tsege:

⁶⁷ Kwa ya-i tsi Peter naitziluh, yakaitghah, toowehchu ehti, Kahchu nuni chu mehtintyetliih Jesus Nazareth otsi tatyezutti.

⁶⁸ Ahwole atu a kooti, toowe ehti ihe, Atu atawosti, kahchu atu atasuk atintya kehe. Kwa hadesha tyinta weswatih otsi; kwa tihchok tayidze otyesta.

⁶⁹ Kwa keotihche tsege kahchu ya-ih, kahchu toowe tyiyyehti ayine ieti nehyane, Taila ehlaithi ayine tsi.

⁷⁰ Kwa kahchu atu koo ooli ehtilon. Kahchu kluhtai ayine ayite nazati, toowehchu ghati Peter, Nuni nooklya ehlaithi aghatane tsi, ayi ihe Galilaeen nali, kahchu kooh nakasse atih.

⁷¹ Ahwole ketseliooh wotyihii zon ohtye ootatyehch, toowe akehe, Atu atesti tai teze mamawotahtyehchi.

⁷² Kwa onkye tihchok tayidze otyesta. Kwa Peter kyechetehti yaghi sa Jesus ayehtii, Atu ka ootihoo tihchok tayidze onkye tghakooh oochit sootahoontyezi. Kwa hlilon ayiti indi ootinta, nachaihchahli.

15

Tghachyestla keneti hlahcheti matgha.

¹ Kwa kwete hatlindo aooelia taneghaotatyehchi metihi tyiyyino aglianctye ehlakehe tsiwohzon tsiwowatilh hoolya atitine chu adeskilesne chu hlito aonetyo gha tsiwoghatsihi ihe ayi chu, kwa Jesus tahkiyagheskluli, kahchu achukdehtyi, kwa kikalmihtyj, Pilate.

² Kahchu Pilato taoontya yehti, Nunila o-ochi koometihii tyiyyi nalila Jewne gha? Kahchu ateyatetla toowohcliu yehti, Kooh tintya oontye.

³ Kahchu taneghaotatyehchi metihi tyiyyine chahte akiyehti ooU nation ihe: ahwole atulakehe atyeta-i.

⁴ Kwa Pilate kahchu taoontya yehti, toowe ehtie, Atu lakehe atyetanatla la? nea taitya ooli ihe chahte anaghahti.

⁵ Ahwole Jesus zon atu la kehe aye ih kwaka; kwa Pilate kawoolih,

⁶ Ooh ayi kwelachayihii ehlaithi yezookeh ninkho kvyecheyesne, ooli assine niioonunisit assine.

⁷ Ayiti hligi aliilh Barabbas ooyeih, ihkahtah chaghcsklu ayi yekatichii kwa akiyila indiootaunne, kootoo tane zehai ihe indiootatunne ayiti.

⁸ Kwa natlone ohtye oghatyesta tyi yatsi niiooghanunisit kooh hakiyulihii gha kooli zon hakooyilai ihe.

⁹ Ahwole Pilate ateyatetla, toowc ehti ihe, Kooh kootahti la naghachitulisi-tisi Jewne o-ochi koometihii tyiyyi?

¹⁰ Atawahtihii ihe taneghaotatyehchi metihi tyiyyine yatagliintsutti ihe mihe incho-otsa-i.

¹¹ Ahwole taneghaotatyehchi metihi tyiyyine kichinagbayyh tanene, otaihai koochitootsittih Barabbas.

¹² Kooh kahehu Pilate ateyatetla toowehchu yehti, Takootahtya oslihasi kooh yachi o-ochi koometihii tyiyyi Jewnu woyi?

¹³ Kahchu toowe hakehe oghatesta, Klaniaitih ninihtyeh.

14 Kahchu Pilate toowe ehti, Ye tahtye ketselihoo atyuntye? Kahchu ootailichi o-ochi oghatesta, Klaniaitih ninihtye.

15 Kwa Pilate tane gha kasootati chatupisha gha, yakahninooh Barabbas assi, kahchu Jesus taghinchut, yakhataghitoos, klaniai nichuhtyelu,

16 Kwa simakanisne otsighateliti tsiwatyehli kwa, Praetorium wotsatiti; kwa tyechi kiyehiti ihlakehe atghe simakanisne.

17 Kwa natunne taghaghintyi aghapai tatulli ihe, kahchu kiyesklu o-ochi metihi tyiyi chahte hoos chok chine ihe, kwa ita tsi gha ghiooh,

18 Kahchu tyi yila ooghatthoon toowe, Yea mehsuchanetyi, o-ochi kookaonazut Jewne.

19 Kahchu nakidehul yetsi chokhaiye chok ihe, kahchu kikighizek, kwa yatsitaghatunne ootooghanehzil yatsi nachusghataklihl

20 Kahchu kiyachatyel atghe tatulli nighadinchus, kwa yanatunne taghinyetl, kahchu ghooghatehtyi klaniai tih.

21 Kwa kitahnaghutsut ehlaite Simon Cyrenian ali, ayi kwo noojai, tane natihti otsi Jiadesha, kootgha Alexander chu Rufus chu tahchiatyilyu klaniai.

22 Kwa nakiyintyi Golgotha tsi, ayi tsati, Atsitsunne ooli te.

23 Kwa kiyayiooh tyewootoo chiche chok tu mathuchunihklito myrrh: ahwole atu niyadiioh.

24 Kwa klaniai nikiyinti tsi yanatunne atatghahaistla kikaootehunni ihe, ye anetye teze nitioolola.

25 Kahchu oolitah tghakoooh mehooachanehoo awatazoo dzinee ooli klaniadi nikiyinti tsi.

26 Kwa achatyesklesi ayiti otsi chahteachatei takehnichanikuchihih ookeh. O-OCHI KOO METIHI TYIYI JEWNE.

27 Kahchu onkyetine chu klaniadi nighanihtye unoosine; ehlaite noohtechintye, ooh hligi chu oosklaghazihtye.

28 Achudesklessi tyiyi tikenikyih, kooh woti, Kahchliu metseline kah kachanehtyeh.

29 Ooh ayine kweghatilhne ayiti oontlochi kiye sootatyihch, tagliatsi ghaghado, toowehchu ghati ihe, Gha, nuni chahta wonatla tyachtatlihi kwa tyiyi, kahchu aonatla taiti dzinee,

30 Aghatinta, kahchu yulichinootinta klauiai tsi.

31 Aghatane chu o-ochi taneghaotatyech metihi tyiyine ontlonchi akiyehti ihe toowe ghaghatati ihe adesklesne chu, Nayaghehta achune chu; atai koochati atu aghatatah.

32 Oonka Christ o-ochi koometih tyiyi Israel kwa hote klaniai tsi noodoojai, wowoti khai kahchu a kootahti. Oo ayi yakah klaniadi yakah ati yataUhlon.

33 Kwa inchitakoooh klodesha sa kehchi ehalai koonaoozutooh, hatleke aoochaii tike okehe kwa hHlon kalaketi klodesha sa kehchi ehaiai.

34 Kwa kalaketye sa kehchi ahalai klodesha, Jesus otyesta takaseneodi, toowe ehti ihe, Elo, eloi, lama sabachthani? ayi tsati ihe Saghintai, Saghintai, yehoo gha sechanila aontye.

35 Ooh tahkine ieti nehyane, ooghatitsuk tsi, toowe ghati, Nea, Ehas kawotih.

36 Kahchu ehlaite otsidehta, kahchu tsifo yeatatih atihih tayatohman sootakan chiche tu ihe, kahchu nayiooh klokhayetgaha, kahchu yayiooh tuwoto gha, toowe ehti ihe, Atu kinditaghaha; oonka oohwoti Elias nayaghintyi kha.

37 Kahchu Jesus otyesta ohtye ati, kahchu matsinde kwa yecheli.

³⁸ Kwa ayi hlichatinkatii tyetachatlihi kwa otyiyi intyizon tghahkyehchi wotyeh cheghinchil yataihchi ctis yiyue otsi.

³⁹ Kwa kootoo ayi simakunis metihi, ooghade nazutih. wa-i kooakehe otyesta, kahchu yatsinde yechelihooh, toowe ehti, tyewotyeh tune teze Nagha Tgha Chue ghilelon.

⁴⁰ Ayiti oohwiliih tsegene ehu tontyetsi otsi ookhaghanehtgha: atai chu iiti atiih Mary Magdalene, Mary chu ma James ooia etanoohlihi kahchu Jose, Salome chu;

⁴¹ (Aghatane chu, Galilee atichi, kikehtyeshaii, kahchu ooli kooyaalih ine;) achune chu natlone tsegoo yuhchi kooyehkyatehch ine Jerusalem tsi.

⁴² Kahkachi aoocha tsi, ayi ihe intyizon dzmee tsi watsehu ayi dzinee Manejitti dzinee tsi ooh,

⁴³ Joseph Arimathaea otsi tazehlu, tsatincha tsiwatilh, atune chu ootakah ali Nagha Tgha nataghe, yuhchidesha, kahchu tadzye natsutih seoh Pilate kahkwiya, kahchu Jesus zi ootakyet.

⁴⁴ Kwa Pilate khawooli kwa tehtsalo ate: kwa simakanis metihi tyechi yehti, tauontya yehti tontyeto ghaite chu tehtsutihi.

⁴⁵ Kwaatawatih tsi simakanis metihi yatati, tazi ghiooh Joseph.

⁴⁶ Kwa ataghoola tsatache oochu takulle, kahchliu nooyaghintyi, kaliclm ayi tsatache ii ihe yehtoonehtich, kahchu niyanihtyi natine kwa oota tsyekas tayaghintyi, kahchu tsye otsiyehail toosklahchi natine kwa.

⁴⁷ Kwa Mary Magdalene kahchu Mary Jose ma oohwa-ih nichanihtyinti.

16

Tghachyestla keneti edzetaiti matgha.

¹ Kwa Menejitti Dzinee kawohtzut tsi, Mary Magdalene, kahchu Mary James ma kahchu Salome, ataghaghila yu natunetgha tsehklutti, kwa yuhchighatatyel ate yu ihe kiyuhklukooh.

² Kwri o-ochi hatse hatlindo ooli hatse dzinee, koohnioonizuiooh natine kwa otsighatestyel sa niyya tsi.

³ Kwa toowe hlaghatati, Mea tsye yughaii aontye natine kwa tustla otsi?

⁴ Kwa koo ookahanehtghachi, oogha-ih tsye achuhchi nichunihailo: o-ochi ghinchai ihe.

⁵ Kwa kwegliaghintyetlooh native kwa oota, kiya-ih ehlaite uskye nohtichintye chisinchí sata, tasata natyesooh makestue takulooh: kwa oonighanintyettl.

⁶ Kwa toowe yehti, Atu oonighahtyel: Minkhanatgha Jesus Nazareth otsi tateyzutti, klaniai nichanihtyiii: tsitike ghinta-ih; atu chode ali; nea nighamhtyintiii.

⁷ Ahwole ootahtab, yaotatiche tatahtih Peter chu naghaghadesha Galilee tsi: ayiti wahiissi, naghatakyakehe.

⁸ Kwa kwete khooghatastyettl, kahelm natine kwa otsi tsmtestyettl; yaghatilonlon ihe kahchu khaoghali ihe: kahchu atuline atula kehe akiyeliti; oonighanintyettl ihe.

⁹ Kootoo Jesus niyyaii kwete hatse dzine tsiwatselhu, hatse yuhniya Mary Magdalene, ayi taiuchi atsmde metselihi yazi otsi hayateha-ii.

¹⁰ Kwa yatatilon ayine yehkyatehchiine, tsukye atu yaghita zahtgha kahchu ghutsakooh

¹¹ Ooh ahatane, ooghatitsuk tsi ghata, kahchu ya-ilon atu a kooghati.

¹² Ayi keh yuhniya achu akelie ouketye agha tane Ihe, ghataihlu zahtgha, achu tike tsi otsighataihlu.

¹³ Kwa kitati achune: kahchu ama kiyehi ayine.

¹⁴ Atyechi yuhniya keneti ehlahti matgha aline ghiskye eghehta ootye, kwa yachiotatyech majih oontooei kha kahchu yadzye natsutti kha atu a kiyuti ihe ayi yakehtghaii tsitike nesta.

¹⁵ Kwa toowe yehti, Otsitahtyel tike okehe matatahti obicn oociiu anetye tane.

¹⁶ Ayi a kootyeti kahchu tumakechaghinkliti nachawohtyezi; ahwole yaghi atu a kootyeti cliahta chuleesi.

¹⁷ Kahchu tidi yachanahai yakeh ootoohsitassi ayine a kootine; Sindizi ihe kehchi ghakitoolelassi atsinde metselihi; oogliatootyehchassi atsoodi koondi ihe;

¹⁸ Nootuze nighatoohtyelassi; oolita tughato ate chu azetse ahi, atu kootohtihassi; kikatootiassi yatitihne, kwa oochu nakiyaoolliteissi.

¹⁹ Kwa Naghaghatai sakyedesutooh, yatai otsi nichatihtyi, kahchu sata-ih Nagha Tgha noohtichintye.

²⁰ Ahwole achughatestyetl, tike okehe tane chiwoghatihi ihe, Naghaghatai kahkeooghatihchoo, kahchu sa natsut oola kaootsooli chu intghaninkhi. Amen.